



# TAUSIGA MO I LATOU E LĒ TAGOLIMA

---

LIPOTI FAALETAUSAGA 2021

*o Le Ekalesia a Iesu Keriso o le Au Paia o Aso e Gata Ai*



## Anotusi

3 O se Savali mai le Au Peresitene Sili

4 O La Tatou Tautinoga o le Feagaiga

5 O Le Tulafono o le Anapogi ma le  
Faleteuolooa a le Alii

6 Aotelega o Taumafaiga

8 I se Vaaiga

### AUAUNAGA IA I LATOU E MANAO- MIA LE FESOASOANI

10 Auaunaga

12 Tausiga mo o Tatou Tuaoi

14 Tamaiti ma le Autalavou

### AUAI MA LE NAUNAUTAI

16 JustServe

### VALAAULIA E AUAUNA ATU

20 Faifeautalai o le Uelefea ma le Ola  
Faalagolago o le Tagata ia te ia Lava

22 O Faatonu o Mataupu o le Ola  
Faalagolago o le Tagata ia te ia Lava

24 Auaunaga Faufautua ma Faatonu  
mo Aiga

25 Deseret Industries [Faleoloa  
o le Tesareta]

26 Auaunaga ma Faifeautalai  
Faamisiona

28 Auaunaga Sauniuni

### FESOASOANIGA I LE LALOLAGI ATOA

30 Lava Taumafa ma Paleni

32 Vai Mama ma le Faamamaina

34 A'oa'oga

36 Soifua Maloloina ma Tagata e iai  
Manaoga Faapitoa

### TALI ATU I FAALAVELAVE

#### FAAFUASEI

40 Tali Atu i Faalavelave Faafuasei

43 Tuiga Toto

44 Gaosiga ma le Tufatufaina  
o Taumafa

### FAAFETAI LAVA

### PUNAOA FAASINO

*Ata o le Faavaa: O tagata talavou o le Ekalesia o loo galulue faatasi i se galuega fesoasoani i le lotoifale i Cusco, Peru.*



I Luga: I le taimi o lana galuega i Amerika Latina i le 2019, sa auai ai Russell M. Nelson i se gaoioiga na tufatufaina atu ai nofoa faataavalevale i Atenitina.

## UO PELE,

*O le tausiga o i latou e le tagolima o se tiute ma se avanoa fiafia mo soo o Iesu Keriso. I le aveia ai ma tagata o Le Ekalesia a Iesu Keriso o le Au Paia o Aso e Gata Ai, ua tatou tuuto e ola i poloaiga sili e lua: ia alolofa i le Atua ma ia alolofa i o tatou tuaoi (tagai Mataio 22:37–39). I le aveia ai o se Ekalesia, ua faamanuiaiina i tatou i le i ai o le tomai, fesootaiga i le lalolagi atoa, ma punaoa e mulimuli ai i Lana apoapoiga.*

*Matou te fiafia lava e tuuina atu lenei lipoti faaletausaga i vaega eseese o la tatou galuega e tausia ai fanau a le Atua. Matou te faafetai mo taulaga lē manatu faapito ma faamaoni a tagata o le Ekalesia ma uo o e ua mafai ai lenei mea. Matou te valaaulia tagata uma ina ia “auai ma le naunautai i se faamoemoega lelei” a o faaauau pea ona tatou faamalosi le tasi ma le isi e ala i le auauna atu (Mataupu Faavae ma Feagaiga 58:27).*

*Tau ina ia faamanuia pea e le Alii lenei galuega o le alofa atu i o tatou tuaoi.*

## O Le Au Peresitene Sili

*Russell M. Nelson*  
*Dallin H. Oaks*  
*Henry P. Eyring*



*“O i latou o loo naunau ina ia ta’ua o le nuu o le Alii ua “loto e tauave le avega a le tasi [ma le isi], . . . e faanoanoa faatasi ma e e faanoanoa; . . . ma [ia] faamafanafana atu ia te i latou o e e manaomia le faamafanafanaga.”*

—PERESITENE RUSSELL M. NELSON  
Peresitene o le Ekalesia a Iesu Keriso  
o le Au Paia o Aso e Gata Ai.<sup>1</sup>

**I LE AVEA AI MA SOO O IESU KERISO**, ua i ai i tagata o Le Ekalesia a Iesu Keriso o le Au Paia o Aso e Gata Ai se tautinoga o le feagaiga e ola i poloaiga sili e lua: ia alofa i le Atua ma ia alolofa i o tatou tuaoi. Tatou te mulimuli i le valaau a Iesu Keriso e fafaga i e fia aai, faainu i e fia inu, tausii i tagata ese, faalavalava i e ua le lavalava, ma asiasi i e mamai ma puapuagatia.

O taumafaiga a le Ekalesia ma tagata taitoatasi e tausii i latou e le tagolima sa totonugalemu i la tatou misiona mai lava i le amataga. I le 1842, sa faatulagaina ai le Aualofa i se poloaiga e tausii e matitiva ma auauna atu i o latou manaoga. I le 1936, na fatuina ai e le Ekalesia le polokalama o le uelefea e fesoasoani ai e tausii tagata o le ekalesia o loo manaomia le fesoasoani ma faamalositia lo latou gafatia e ola faalagolago ai le tagata ia te ia lava. Ma i le 1985, sa amatalia aloaia ai le aapa atu o fesoasoaniga alofa a le Ekalesia i le lalolagi atoa.

E sailia e tagata o le Ekalesia i latou e le tagolima ma tuuina atu fesoasoaniga i fanau uma a le Atua e aunoa ma le manatu i fesoataiga faalelotu, ituaiga, po o tagatanuu. Ua tuufaatasia e le Ekalesia, ona tagata, ma ana uo a latou foai faatasi ai ma taumafaiga volenitia e tuumamaina ai mafatiaga ma fausia ai le ola faalagolago o le tagata ia te ia lava i le lalolagi atoa.

**O POLOAIGA SILI E LUA** ua faaali mai ai foi ia i tatou e alofagia i tatou e le Atua ma o tatou tuaoi. O i latou uma e foi atu ma i latou o e taliaina e faamanuiaina a o latou fefaamalosia'i o le tasi i le isi. E i ai taimi patino i o tatou olaga, tatou te ono iloa ai i tatou lava o ni tagata foi, ma, i nisi taimi, o ni tagata e mauaina [aunaunaga].

I le avea ai ma se vaega o le ala a le Alii e tausi ai Ana fanau, ua maua ai e tagata o le Ekalesia le avanoa e anapopogi ai mo se periota e 24-itula i masina taitasi ma foi atu ma le lima foi le tau o taumafataga na misi mo le manuia o i latou e le tagolima. E faaoga e taitai i le lotoifale nei tupe e fesoasoani e taulima ai manaoga mo meaai, lavalava, fale, po o isi mea e manaomia i totonu o a latou aulotu ma nuu.

---

*“Ua tuuina mai e le Alii ia i tatou . . . se poloaiga faigofie faatasi ma se folafolaga matagofie mo e le tagolima ma mo i tatou. O le tulafono o le anapogi.”*

---PERESITENE HENRY B. EYRING  
Fesoasoani Lua i le Au Peresitene Sili<sup>2</sup>

---



E le gata i lea, o punaoa uma o loo maua i le Ekalesia e fesoasoani ai ia i latou e le tagolima ua ta'ua o le faleteuoloo a le Alii. O le faleteuoloo a le Alii e aofia ai le ofoina atu e tagata o le Ekalesia o taimi, taleni, mutimutualofa, anomea, ma punaoa tautupe. I le lotoifale o nuu, e mafai ona fesoasoani pea taitai i tagata taitoatasi ma aiga ia maua vaifofo i o latou manaoga e ala i le utuvai mai le malamalama, tomai, ma auaunaga e ofoina atu e aulotu, ma e iai le matagofie i lenei faatulagaga.

### AUAUNA ATU I SE UO E LE TAGOLIMA

I soo se taimi i o tatou olaga, atonu e avea ai i tatoulava o tagata fai saofaga ma faapea ona manuia foi mai le faleteuoloo a le Alii. Sa faaso mai e se epikopo i le lotoifale i le lunaite Setete le ala na manuia ai Miriama,\* o se tamaitai o le latou aulotu i auala faapaiaina ma taumafaiga a tagata o le au paia, ma le naunau o Miriana e fesili mo se fesoasoani lea sa faamanuiaina ai i latou o e na mafai ona auauna atu ia te ia. O Miriama e matua le talanoa faalauaitete i ni mea e patino ia te ia ma e musu e faaofia isi i vaega faigata o lona olaga, o lea sa ia musu ai e fesili atu mo se fesoasoani. Ae o le ulugalii o auaunaga na tofia mo ia na sueina e le aunoa o ia, ma ina ua la asiasi atu ia Miriama i se tasi aso, sa la iloa ai na le mafai ona alu ese o ia mai lona nofoa mo le lua aso. Sa faia se gaoioiga e le ulugalii ma galulue faatasi ma Miriama e tuuina atu le lagolago i se auala sa ia lagona ai le lagolelei.

E ala atu i le taitaiga a le epikopo ma le faamaopoopoga faatasi ma le ulugalii o auaunaga a Miriama, na faatagaina ai e Miriama se vaega toalaiti o tagata faaopoopo e fesoasoani ia te ia. O nei tagata ma uo ua avea ma se vaega o lana au tausi soifua. O i latou o tagata na te lagonaina ai le toafimalie ma e tatala ma tautala ma le faamaoni iai. E ala atu i le faleteuoloo a le Alii ma le fesoasoani o le taulaga anapogi, na maua ai e Miriama meaai, sapalai faafomai, ma femalagaaiga e alu ai ma toe foi mai i ana vaaiga faafomai faatulagaina. Ae i tua atu o le fesoasoani faaletino, ua avea nei Miriama ma se vaega o se upega fesootei o uo agaalofoa o e tausia e le tasi le isi e ala i o latou luitau faifai pea.

\*Ua suia le igoa

*“Ou te talitonu e faapea mo soo taitasi o Iesu Keriso, o se vaega lenei o lo tatou DNA, tatou te o ma saili i latou o loo manaomia le fesoasoani ma taumafai e fesoasoani ia i latou, pe o i ai i lo tatou lava nuu po o le mamao ese i isi atunuu. O le totonugalemu moni lava lea o la tatou tapuaiga.”*

—EPIKOPO GÉRALD CAUSSÉ, EPIKOPO PULEFAAMALUMALU<sup>3</sup>

**3,909**

**GALUEGA FESOASOANI  
ALOFA I LE 2021**

**\$906,000,000**

**I TUPE FAAALU**

**6,800,000**

**ITULA NA VOLENITIA AI**

**188**

**ATUNUU MA TERITORI  
O LOO AUAUNA ATU AI**





## \$906 miliona

*sa faa'oga e fesoasoani ai ia i latou e manaomia le fesoasoani:*

- **FESOASOANI O LE TAULAGA ANAPOGI**, lea e tuuina atu ai fesoasoaniga le tumau i mea tautupe ia i latou e le tagolima.
- **O OKA A EPIKOPO MO OLOA**, e aofia ai le tuuina atu o meaai ma oloa mai faleteuoloo a epikopo ma Faleoloo o le Tesareta ia i latou e le tagolima.
- **GALUEGA FESOASOANI ALOFA**, e aofia ai le toomaga agaalofa i nuu i le salafa o le lalolagi.
- **O OLOA NA FOAI MAI**, e aofia ai oloa na gaosia e le Ekalesia e tuuina atu i nuu e ala i faalapotopotoga e foai atu ai meaai ma isi ofisa.
- **O LAVALAVA NA FOAI MAI**, e aofia ai ofu e pau le tau pe leai se tau e tuuina atu i le Faleoloo o le Tesareta.
- **O FAAGAOIOIGA A LE EKALLESIA**, e aofia ai fautuaga o Auaunaga mo Aiga, nofoaga autu mo galuega, faatoaga ma fale gaosi taumafa, ma le Faleoloo o le Tesareta.



*Na saofaga e volenitia le sili atu nai lo le*

## 6.8 miliona itula

*o auaunaga e ala i le:*

- **AUAUNAGA I FALE MA FANUA O LE EKALLESIA**, e pei o faatoaga, togalaau, fale tuuapa, Faleoloo o le Tesareta, ma isi.
- **MISIONA E TAUSIA AI I LATOU E LE TAGOLIMA**, e aofia ai auaunaga volenitia i atunuu e 85 i le salafa o le lalolagi.
- **O GALUEGA AUAUNA E LAGOLAGOINA E LE EKALLESIA I ALALAFAGA**, e aofia ai le faamamaina pe a mavae faalavelave faalenatura.

*E le gata i lea, sa faafoeina e le JustServe le silia ma le 41,000 o galuega faatino volenitia (e aofia ai ni galuega faatino fou e 21,500).*

## AUAI MA LE NAUNAUTAI

*JustServe***62,000**

Volenitia fou o le lotoifale o le nuu lesitala e ala i le JustServe

**21,500**

Fatuina o ni galuega faatino volenitia fou



## VALAAUINA E AUAUNA ATU

*Faifeautalai ma Volenitia o Tagata o le Ekalesia***11,329**

Tagata faamisiona o le Uelefea ma le ola faalagolago o le tagata ia te ia lava ma volenitia mo taimi umi

**9,054**

Sa auauna atu paaga a le Faleoloa o le Tesareta

**2,800**

Fonotaga o le Polokalama o le Toe Fuataiina o le Soifuaga mai le Tagofia o Mea ua Fai ma Vaisu i le vaiaso i atunuu e 30 ma gagana e 17

**137,458**

Tagata auai i vaega o le ola faalagolago o le tagata ia te ia lava

## FESOASOANIGA I LE LALOLAGI ATOA

*Galuega Taimua mo le Fesoasoani Alofa i le Lalolagi Atoa***104**

Galuega faatino o le saogalemu o meaai i le lalolagi atoa

**Silia ma le 600,000**

Tamaiti aoga o loo auauna atu ai

**1.74 miliona**

Sa fesoasoani tagata i le vai mama ma galuega faatino o le tumama

**135**

Galuega faatino feaveai i atunuu ma teritori e 57

## TALI ATU I FAALAVELAVE FAAFUASEI

*Toomaga i faalavelave***199**

Galuega faatino e tali atu ai i faalavelave faafuasei i le 61 atunuu ma teritori

**585**

Galuega faatino o le KOVITI-19 i atunuu e 76 ma teritori

**Silia ma le 105,000**

Tagata foai taitoatasi i tuiga toto e lagolagoina e le Ekalesia




# Auaunaga ia i Latou e Manaomia le Fesoasoani

*“O nisi taimi tatou te manatu ai e ao ona tatou faia se mea silisili ma toa e ‘faitaulia’ ai o se auaunaga i o tatou tuaoi. Ae o ni faatinoga faatauva’a o auaunaga e mafai lava ona i ai ni aafiaga loloto i isi—faapea ai foi ma i tatou lava.*

PERESITENE JEAN B. BINGHAM, PERESITENE AOA O LE AUALOFA<sup>4</sup>:





*E maua e tagata o le Ekalesiani galuega atofaina e auauna atu ai i tagata taitoatasi po o aiga i a latou faapotopotoga. O le auauna atu e mafai ai e tagata o le Ekalesia ona faatino ni faatinoga faigofie o le auauna atu ma le alofa mo isi e pei ona faia e le Faaola i le taimi o Lana galuega i le olaga nei.*

*O le auaunaga e foliga ese mai lea tagata i lea tagata ma e maua luga le faapatino. E fautuaina tagata o le ekalesia e tataloia ia saili atoatoa le taitaiga mai le Agaga ia iloa ai pe faapefea ona faamalieina manaoga o i latou o loo auauna atu i ai.*

*Matou te faamoemoe a o tatou auauna atu i o tatou uso a tagata, e mafai ona tatou tuuina atu i "le Atua ma le Tama o i tatou uma se lima fesoasoani i Lana galuega taua o le taliina o tatalo, tuuina atu le faamafanafanaga, soloia o loimata, ma le faamalosalia o tulivae vaivai" (Elder Jeffrey R. Holland, Korama a Aposetolo e Toasefululua).<sup>5</sup>*

---

## Auaunaga

**I LE TAIMI O LE GALUEGA A KERISO I LE LALOLAGI**, sa ia faaalia e ala i faataitaiga le auala e alofa ma auauna atu ai i isi. I le avea ai ma tagata o Le Ekalesia a Iesu Keriso o le Au Paia o Aso e Gata Ai, tatou te taumafai e mulimuli i Lana faataitaiga e ala i le auauna atu ia i latou o siomia i tatou.

---

**I LE 2021**, pe tusa ma le 200 tagata o le Ekalesia na tali atu i se valaau mo se fesoasoani, e malaga atu i nofoaga tutotonu i Siamani, le Iunaita Setete, ma isi nofoaga e tele e fesoasoani e faatulaga ni tagata e 55,000 o e na sosola ese mai Afakanisitani. E toatele volenitia sa nonofo i nei nofoaga autu mo le silia ma le 10 aso, o isi sa nonofo pe tusa ma le 30 aso le umi, ma o nisi sa nonofo umi atu. Sa taulimaina e tagata o le Ekalesia manaoga vave o tagata taitoatasi o loo sailia le sulufaiga e ala i le tuuina atu o meaai, lavalava, ma isi sapolai. Sa matauina e nisi o uso o le Aualofa i Siamani e faapea e toatele tamaitai Afakani sa faaogaina ofutino o a latou tane e ufiufi ai o latou ulu nai lo o a latou ufi ulu masani, ia na leiloloa pe faaleagaina i le vevesi i le malaevaalele. Sa potopoto faatasi nei tuafafine o le Aualofa e sui ni ofu masani faa-Mosalemi mo nei tamaitai e le tagolima.

---

**O ANE**, o se tagata o le Ekalesia i Filipaina, na fanauina lana pepe e ala i le taotoga faafuasei o lona manava i se aai na te lei iloina ai se tasi. Na te lei iloina i lona taimi, na valaau atu le peresitene o le paranesi i le lotoifale i tuafafine o le Aualofa o le eria e fesoasoani atu. Sa faafe-tauia Ane ma lona aiga e ni tagata ese, o e na faamamaina lavalava o lana pepe, aumai nisi ofu faaopopo, ma kuka ni meaai mo i latou. Ona sa tutulai ae tagata o le ekalesia e auauna atu i lona aiga, sa faamalieina manaoga o Ane, ma sa mafai ona ia lagonaina atili le alofa o le Atua i se taimi faigata.

---

**E FAAOPOPO ATU** i le faatinoina o tofiga faalecaunaga ma le taulimaina o manaoga vave o isi i totonu o o latou lava nuu, ua taumafai foi tagata o le Ekalesia ia avea atili e faapei o Keriso e ala i galuega agalelei eseese. I ni nai masina talu ona maliu le uso o Carol i le 39 o ona tausaga, sa saunia ai e lana uo faigaluega o Dee se taumafataga na lava le tele mo Carol ma lona aiga lautele. Na iloa e Dee o le mea na manomia e Carol o le tele o le taimi faatasi ma lona aiga ma tuuina atu ia te ia se meaai mo i latou e olioli faatasi ai.



*“Pe a tatou punouai  
i auauunaga i isi, ua  
faaitiitia lo tatou  
mafaufau ia i tatou lava.”*

—PERESITENE HENRY B. EYRING  
Fesoasoani Lua i le Au Peresitene Sili<sup>6</sup>



*Agavale Pito i Lalo: I le Malaevaalele Autu o le Ea i Ramstein i Siamani, ua faavasega ai e volenitia ia foai mo tagata taitoatasi o loo sosola ese mai feteenaiga i Afakanisitani.*



*O le auauna atu o se poutu autu lea o o tatou talitonuga—o se faalapotopotoga ma o se nuu. E pei o Iesu Keriso, tatou te taumafai e faamanuia olaga o isi e ala i auaunaga le manatu faapito. E auauna atu tagata o le Ekalesia i o latou nuu e ala i le faataunuaina o matafaioi i totonu o a latou aulotu i le lotoifale, auai i galuega fesoasoani, ma saili ma le agaga tatalo ni avanoa e auauna atu ai i o latou tuaoi.*

*E pei o le Samaria agalelei, tatou te talitonu o le faauigaga o le “tuaoi” e oo i tua atu o i latou i lo tatou lava faasinomaga. Tatou te faamoemoe e fesoasoani i soo se tasi e manaomia le fesoasoani—po o fea lava le mea o nonofo ai, lanu, atunuu, itupa, po o talitonuga faalelotu ma faaupufai.*

## O Le Tausiaina o o Tatou Tuaoi

**“SA FEMALIUI LE FAAOLA MA FAIA LE LELEI** (Galuega 10:38),” o le tala lea a Sister Curriden, o se volenitia i le nofoaga tutotonu faafeiloai mo Le Ekalesia a Iesu Keriso o le Au Paia o Aso e Gata Ai i sasae o Las Vegas. “Sa ia faamanuiaina olaga o tagata i le faaletino faapea foi ma le faaleagaga. E pei moni lava lena mea o la tatou misiona—o le faia o Lana galuega ma mulimuli i le Agaga ma alofa i tagata i Lona suafa.”<sup>7</sup>

**O SISTER CURRIDEN MA LONA TOALUA** e auauna atu i lo latou nuu e ala i le fesoasoani atu i tagata o e na malaga mai talu ai nei e saili le faaogaina o auaunaga faaletulafono, faaleleia la latou Igilisi, ma galulue i ala e avea ai ma tagatanuu, ina ia mafai ona latou maua ni galuega sili atu ma faaleleia ai o latou olaga. Ua na o le lua afe tagata o le Ekalesia i le lalolagi atoa o e na volenitia o latou taimi, taleni, malosi, ma punaoa e auauna atu ai i totonu o o latou nuu i le 2021.

**O TAGATA O LE EKALLESIA MAI AUSETALIA E OO I AFERIKA I SISIFO** na auai i galuega faatino o le faamama ma faamatagofie—totoina o laau, faamamaina o paka i le lotoifale, ma isi mea. I le avea ai ma se vaega o se tasi o ia galuega faatino, sa auai ai tagata o le Ekalesia i Aferika i Sisifo i le taulamua o le Aso o Auaunaga i Aferika Atoa i le 2021 e ala i le totoina o tamailaau e 15,000 i Kana.

**I POLIVIA,** sa aoina ai e tuafafine o le Aualofo o le Siteki a Los Andes ni pulou palasitika se 34,000 e lagolago ai le ta’imua a Niño Feliz, lea e fesoasoani i tamaiti e maua lalalo tupe maua o loo fai o latou togafitiga kimo i le mai o le kanesa. Ma sa asiasi atu tagata o le paranesi a Khovd i Monokolia i lo latou Nofoaga o Sauaga i le lotoifale e foai atu ni palanikeke mafanafana, sapalai mo pepe faatoa fananau mai, ma pusa o mea e faaoga mo le tumama.



**Luga:** Ua faatulagaina tagata o le Ekalesia i Kana e toto ni fatulaau e 15,000 mo le Aso Atoa o Auaunaga i Aferika i le 2021.



*Luga: O tagata o le Ekalesia i Aukilani, Niu Sila, ua galulue faatasi ma isi faalapotopotoga a le alalafaga e vele togalaau ma faamatagofie lo latou nuu.*

*“Ia e alofa atu i lē lua  
te tuaoi e pei o oe lava ia  
te oe.”*

—MATAIO 22:39

**O TAGATA O LE UAROTA A ERIMA I FARANI POLENISIA** na galulue felagolagomai ma le aai o Arue e faatulaga se kosi faaleaoaoga e fesoasoani ai i le nuu tagata o le Ekalesia o loo aoao le suisui. O lenei mea na mafai ai e tagata auai ona faia ni lavalava mo i latou lava ma palanikeke o pepe mo tina fou.

**I KOLOMUPIA**, sa o mai faatasi tagata o le Siteki a Villa Kolomupia i Cali e fesoasoani i se nuu i le lotoifale lea na aafia i timuga o le taumalulu. E faaopoopo atu i le faia ma le foai atu o palanikeke, sa latou faamaopoopoina se gaoioiga auauna atu e tuuina atu i tagata o le pitonuu na aafia.

**I KOREA I SAUTE MA KANATA**, sa galulue ai tagata o le Ekalesia e auina atu ili, ea malulu, ma isi mea e manaomia i tagata matutua. O nei sapolai na faia ai se eseesega tele i le mafanafana ma le saogalemu o tagata matutua vaivai, o le toatele o i latou sa faanfoesca ona o tapu o le KOVITI-19.

**O ADRIANA**, le faatonu o fesootaiga mo le Siteki a Montreal Quebec, na aoteleina le naunautai o tagata o le ekalesia e auauna atu i le faapea mai, “E mafai ona tatou faia se eseesega i le olaga o se tagata e ala i le mulimuli i le faaitaiga a lo tatou Alii o Iesu Keriso ma aapa atu—ma le saogalemu—ia i latou e le tagolima, aua ua tatou iloa lelei lava e ‘ala i mea laiti ma faatauva e faataunuaina ai mea tetele’ (tagai Alema 37:6).”<sup>8</sup>



*I le 2020, sa amata ai se polokalama fou o le atiinaeina faaletagata patino mo le autalavou e fesoasoani i alii talavou ma tamaitai talavou e atiina ae ai o latou gafatia paia faaletagata lava ia. I le polokalama a Tamaiti ma le Autalavou, e fautuaina tagata talavou ia auai i auaunaga ma ia toaaga i o latou nuu.*

*E maua e tamaiti ma le autalavou ni avanoa e fuafua ai gaoioiga auauna atu ma filifili ai sini ma galuega faatino latou te mananao e galulue ai faatasi ma le fesoasoani a taitai matutua ma tagata o le aiga. O nei gaoioiga ua fuafuaina e fesoasoani ai i tamaiti ma le autalavou i le Ekalesia ia tuputupu ae ia ave atili e faapei o le Faaola ma atiina ae ai faalea-gafesoatai, faaleagaga, faaletino, ma faalemafaufau.*

*“[O a tatou autalavou ma fanau] ua iai le gafatia e atamamai ma popoto atu ai ma tele atu aafiaga i le lalolagi nai lo se isi augatupulaga ua mavae atu!”*

—PERESITENE RUSSELL M. NELSON Peresitene o Le Ekalesia a Iesu Keriso o le Au Paia o Aso e Gata Ai<sup>9</sup>

## Tamaiti ma le Autalavou

**I LE TAUSAGA UA MAVAE**, sa auauna atu ai ma le mataalia tamaiti ma le autalavou a le Ekalesia i o latou nuu i le lalolagi atoa. E auai tagata talavou i auaunaga e ala i gaoioiga ua faatulagaina e a latou vaega o talavou i le lotoifale faapea foi ma le mulimuli i a latou lava musumusuga patino.

**I LE ASO 11 O SETEMA, 2021**, na auai ai le autalavou mai siteki e 40 i le Malo Afaatasi ma Aialani i se aso o le auaunaga. O gaoioiga e faasolo mai le aoina mai ma le tilivaina o sapolai mo faalapotopotoga e faasoaina ai taumafa seia oo i le faiga o kata e fesoasoani ai i tagata sulufai e aoao le Igilisi.

**I LE 2021**, e toatele le autalavou i le lalolagi atoa na auai i le faalauiloa a le Ekalesia o le Faamalamalama le Lalolagi i le Alofa. O se vaega o le fuafuaga, sa aoao ai e taitai matutua i Ekuatoa ia tamaitai talavou i le auala e lalaga ai mea, ma sa latou mafai ona faia ni sikafu se 43 i le tolu masina mo lo latou maota tausimai i le lotoifale.

**E FAAOPOPO IAI** i gaoioiga ua faatulagaina e le Ekalesia, e fautuaina aiga e fuafua ni avanoa e auauna atu ai i le aiga. O le aiga o Andrews i Alberta, Kanata, na faatulagaina tagata o lo latou nuu e faamama se fanua na talafo iai le lapisi i autafa o lo latou fale. Sa maua e Preston e lima tausaga le matua le manatu, ma sa fesoasoani ona tei e toafa e faatino le galuega.

**O CHELSEA**, o se tagata talavou o le Ekalesia, na filifili e faatino se galuega patino ina ua oo mai le faama'i pipisi o le KOVITI-19. Sa ia aoina mai ni tala e uiga i le auala na suia ai e le KOVITI ia tagata i lona nuu, lolomiina i se tusi, ona foai atu lea o tupe na maua i le faalapotopotoga e tufatufaina atu taumafa i le latou lotoifale. Sa lava tupe e faatau ai se loli tiliva a le faalapotopotoga, ma faatagaina ai i latou (ma Chelsea) e faia ni aafiaga lelei i ni olaga se tele i lona nuu.



# Auai ma le Naunautai

---

*“O le a faigata ona fuafua le aofaiga o auauunaga ua faia e le Au Paia o Aso e Gata Ai i le lalolagi atoa i aso uma o tausaga taitasi.”*

PERESITENE RUSSELL M. NELSON, PERESITENE O LE EKALEZIA A IESU KERISO O LE AU PAIA O ASO E GATA AI<sup>10</sup>





Luga: O volenitia mai se aulotu a le Ekalesia i Kaysville, Iuta, o loo faaputu fafie mai eria na aafia i matagi malolosi. Ona auina atu lea o fafie i tagatanuu o le Ituaiga o Navajo.

## JustServe

- 62,000 volenitia fou i le lotoifale ua lesitala
- 21,500 galuega faatino fou ua faatuina
- 2,500 faalapotopotoga fou ua lesitala

### O LE EKALLESIA A IESU KERISO O LE AU PAIA

**O ASO E GATA AI** e talitonu e tatau i tagata uma ona auai malosi o i latou nuu. E ala i le auuina atu i isi, e faatupulaia ai lo tatou lotogatasi ma faafaiilele le filemu i tagata, aganuu, ma faatuatuaga.

Talu mai le amataga o le faama'i pipisi, o le JustServe—o se nofoaga o auuina i le alalafaga e faagaioia e le Ekalesia—ua saunia faalapotopotoga faatasi ai ma le tomai e faaopoopo ai gaioiga o auuina mamao lea e mafai ona faataunuuna mai soo se mea. E oo atu i le 10 tausaga talu ona amata mai, ua vaaia e le JustServe le silia ma le 660,000 o volenitia ua lesitala mo le silia ma le 130,000 galuega faatino. O nei galuega faatino ua tuuina i luga e faalapotopotoga e 13,500 o le malo, faalelotu, ma nuu.

O galuega faatino a le JustServe e tuuina atu ai le lagolago a le alalafaga ma taitai atu ai i le galulue faatasi o ekalesia soofaatasi. E le gata o nei taumafaiga o se faaaliga o le alofa ma le popole ae latou te mamauina ai foi tagata e foai atu ma i latou e taliaina. E ui o auuina i le lotoifale e masani ona taunuu lava pe a tulai mai ni avanoa, ae ua saunia foi e le JustServe ni galuega faatino faatutaga e mafai ai e tagata o le nuu ona volenitia ma fesoasoani ia i latou e le tagolima.

I le tualumaga o le 2021, e faitau afe galuega faatino na faaopoopo i le tulaga, faatasi ai ma se averesi o le toetiiti fitu faalapotopotoga na auai

i le tulaga i aso taitasi. Faatasi ai ma se galuega faatino sili ona iloagofie i Beaverton, Oregon, lea sa galulue ai tagata o Le Ekalesia a Iesu Keriso ma tagata o le Bilal Masjid Mosque e ao mai le silia ma le 500 pauna lapisi. O le galuega faatino na mafai ai e tagata taitaitasi ona faamatagofie lo latou aai ma faavae ni faauoga ma i latou o isi tu ma aga masani faaletapuaiga.

I Layton, Iuta, sa galulue faatasi ai se taitai o le Aualofa i le lotoifale ma le Ekalesia a St. Mary Ethiopian Orthodox Tewahedo o Iuta e auuina faatasi i le aso 9/11 o auuina. Sa potopoto tagata o aulotu uma e lua ma tuufaatasia le silia ma le 10,000 o affi meaai mo fanau aoga i le lotoifale a o faavaeina ni faauoga i le va o vaega e lua.

Ma i Schaumburg, Ilinoi, sa faaliliuina ai e volenitia se fale lotu i se fale ua faatagaina e avea ma fale gaosi taumafa ina ia mafai ai ona latou affiina ma tufatufa atu meaai ia i latou e le tagolima. Ina ua uma ona tuuina i luga le avanoa i le JustServe, sa maua e le galuega faatino le 356 o volenitia mai le tele o faatuatuaga, o e sa tuupusaina taumafataga e 85,538. O le taumafaiga o le a fafagaina ai tamaiti e 234 i Haiti ma Filipaina mo se tausaga atoa.

---

*“Pe a tatou auuina atu faatasi, ua tatou iloa ai e sili atu le malosi o o tatou tulaga e tutusa ai nai lo o tatou eseese.”*

---PERESITENE M. RUSSELL BALLARD

Sui Peresitene o le Korama a Aposetolo e Toasefululua<sup>11</sup>

---





Agavale Pito i Lalo: O le faalapotopotoga o le "Fafaga luta" na aoina mai ai le faitau afe o foai o meaa mai le salafa o le setete i le itiiti ifo ma se aso.



*Agavale Pito i Luga: O volenitia ua galulue faatasi ma isi e faamama le otaota na mafua mai i le Afa o Ida i le Uluai Ekalesia Metotisi Tuufaatasi i Hammond, Louisiana.*

### **O SE NUU E LOTOGATASI I LE AUAUNAGA**

Ina ua mavae le faitau afe o tagata na sosola ese mai Afakanisitani i le faaiuga o le 2021, sa tali atu le nuu o Tri-Valley e latalata i Pleasanton, Kalefonia, i se valaau mai le Komiti Laveai Faavao-malo (IRC) mo pusa e 50 o aitema e faaoga i le umukuka. O volenitia i le lotoifale, e aofia ai faalapopotoga eseese faalenuu ma faalelotu, sa galulue faatasi e fatu se tamaitusi ma se “lisi moomoo” o le Amasone i mea e pei o ulo, apa, ma ipu. Ona tuu lea o le avanoa o le auaunaga i luga o le uepisaite a le JustServe ina ia iloa atili ai.

I le aso muamua, e 115 aitema na faatauina mai, ma o aitema uma e 500 na talosagaina na maua i totonu o le lima aso. Ona o lenei mea, sa tonu ai i le nuu e faateleina lo latou sao i pusa e 70. I le na o le tasi le vaiaso, e silia ma le 700 aitema

na faatauina mai—o se tau e silia ma le \$11,000. O le taimi lava na taunuu mai ai aitema, sa tuu faatasi loa e se vaega o volenitia ia pusa ma uta i totonu o taavale. Sa auina atu mea uma i le IRC i totonu o le tolu vaiaso o le talosaga.

I le taimi o le galuega faatino, sa matauina ai e volenitia Dena se tasi o alii tiliva sa maofa i le tele o afifi na auina atu i lona fale. Sa faamatala e Dena sa fesoasoani o ia e fesoasoani i le tuufaatasi o mea mo le IRC. Ona tau atu lea e le tamaloa ia Dena o ia ma lona aiga na o mai mai Afakanisitani i le lunaite Setete i le 2003 ma sa faamanuiaina mai le polokalama lava lea e tasi o le pusa e aoga mo le umukuka. Sa ia faalia lona agaga faafetai faatauavaa ma fai atu ia te ia e faasoa atu lona agaga faafetai i tagata uma na aafia ai.

# Valaauina e Auauna Atu

*“O a tatou taumafaiga taitoatasi e le faapea e manaomia ai ni tupe po o ni nofoaga mamao; o i latou e manaomia ai le taitaiga a le Agaga Paia ma se loto naunautai e fai atu i le Alii, ‘O a’u lenei; auina atu a’u’ [Isaia 6:8].”*

SISTER SHARON EUBANK, FESOASOANI MUAMUA I LE AU PERESITENE AOA O LE AUALOFA<sup>12</sup>





## O faifeautalai o le Uelefea ma le Ola Faalagolago o le Tagata ia te ia Lava

**O FAIFEAUTALAI O LE UELEFEA MA LE OLA FAALAGOLAGO O LE TAGATA IA TE IA LAVA** o Le Ekalesia a Iesu Keriso o le Au Paia o Aso e Gata Ai o ni meafaigaluega i taumafaiga a le Ekalesia e fesoasoani ia i latou o e sailia se olaga sili atu. O nei tagata faamaoni e masani ona fesoasoani i le faamaopoopoina, faatinoina, ma le faafoeina o galuega fesoasoani alofa i le lalolagi atoa.

*E ui o le toatele o tagata o le Ekalesia o loo auauna atu i totonu o o latou lava aiga, aulotu, ma nuu, o nisi e filifili e tuuto atili atu o latou taimi i galuega alofa e ala i le auauna atu i se misiona faafaifeautalai ma le ola faalagolago o le tagata ia te ia lava.*

*O nei volentia tuuto e faataunuaina ni matafaioi eseese i totonu o polokalama a le Ekalesia mo le ola faalagolago o le tagata ia te ia lava ma fesoasoaniga alofa. E fuafua i lo latou tofiga, e mafai ona latou tuuina atu le aaoaina o galuega, fesoasoani ia i latou e manaomia ona suia i siosiomaga e sili atu ona mautu o le soifua, vaavaaia galuega faatino o fesoasoaniga alofa, ma e oo lava i le puleaina o faatoaga a le Ekalesia ma isi fale.*

**O ELDER MA SISTER NISH**, mo se faataitaiga, sa faia se matafaioi taua i le tilivaina o nofoa faataavalevale e 980 ma le 1,166 o fesoasoaniga e savavali ai ia i latou sa manaomia le fesoasoani i le Itu i Sasae o Aferika i Saute. E faaopoopo atu i le faafoeina o falemai i nuu maotua, sa mafai e le ulugalii ona fesoasoani i le Matagaluega o le Soifua Maloloina i Sasae o Cape e faailoa ma aveese faaletonu i le faatulagaga o le tilivaina o mea. O le taunuuga, sa matua faaitiiti le faatalitali mo nofoa faataavalevale, ma ua mafai e tamaiti ma tagata matutua e i ai manaoga faapitoa ona olioli i le mafai ona tutoatasi.

**O FAIFEAUTALAI O LE UELEFEA MA LE OLA FAALAGOLAGO O LE TAGATA IA TE IA LAVA** e fesoasoani foi i sini o le Ekalesia e fesoasoani ia i latou e le tagolima ina ia ausia le ola faalagolago o le Tagata ia te ia Lava. I Lonetona i saute i sasae, sa auauna atu ai Elder ma Sister Miller i le Nofoaga Autu o Fefaauoiga a le Ekalesia, o lona faamoemoega e fesoasoani ai i tagata taitoatasi o e o sosola ese mai taua, sauaga, ma faalavelave faalenatura. Sa faamaopoopoina e Millers volentia, ofisa o le malo i le lotoifale, ma isi vaega e le saili tupe





*“O tagata uma ua osia ni feagaiga ma le Atua ua folafola atu e popole i isi ma auauna atu ia i latou o ē le tagolima.”*

—PERESITENE RUSSELL M. NELSON Peresitene o Le Ekalesia a Iesu Keriso o le Au Paia o Aso e Gata Aji<sup>13</sup>

e fesoasoani i nei tagata vaivai e feiloai ma ni uo, aoao tomai, fesoatai ma faufautua ma fesoasoani faaletulafono, ma galulue agai atu e faamasani i o latou nuu fou.

---

#### **O SE VAEGA O SE ISI TAUMAFAGA E FAALAUUILOA AI LE OLAFALAGOLAGO O LE TAGATA IA TE IA LAVA,**

sa pulea e Elder ma Sister Ellingson le Faatoaga a Laie Hawaii a le Ekalesia, lea e silia ma le 310 aiga e toto ai faatoaga e lagolago ai i o latou aiga. Sa fesoasoani Ellingsons e faamama fanua, saunia le elele mo le totoina, ma aoao atu ni tomai autu tau faatoaga. O la laua galuega na fesoasoani i le tele o tagata e vaivai i le tulaga o taumafa i Hawaii e faalagolago ia i latou lava i se taimi ua tau leai ai ni galuega ona o le faama'i pipisi o le KOVITI-19.

---

**E FAAPENA FOI IA ELDER MA SISTER BROCK** na galulue felagolagomai ma le Misiona Faatekinolosi a Taiuani ma le Matagaluega o le Siosiomaga ma le Atiinaeina o Fanua i Kiripati e fesoasoani ai i tagata o le lotoifale e aoao auala e totoina ai faatoaga ina ia ola mauoa i meaai paleni. O se tasi o faamoemoega o leni taumafaiga o le faaleleia lea o auala e saunia ai taumafa o le a fesoasoani e faaitiitia ai le tulaga o le mai suka.

---

**SA FESOASOANI FOI ELDER MA SISTER HUSKINSON** e faatonu-tonuina le polokalama uelefea a tagata o le Ekalesia i le eria o Cebu i Filipaina. Faafetai i a latou taumafaiga, e toafa aiga na tuuina atu i ai ni meaituaolo laiti tailua, faatasi ai ma mea e fafaga ai, lagolago faatekinolosi, ma le fesoasoani e amata ai a latou lava togalaau fualaa faisua. Sa fesoasoani le galuega faatino i nei aiga ina ia ola faalalolago le tagata ia te ia lava, aoao ni tomai fou, ma faaleleia le tulaga o lo latou soifuaga.

---

O Nishes, Millers, Ellingsons, Brocks, ma Huskinsons ua na o nisi mai le silia i le 7,300 o faifeautalai o auaunaga i le taimi atoa pe na o se vaitaimi i le uelefea ma le ola faalagolago o le tagata ia te ia lava o loo auauna atu i atunuu e 68 i le lalolagi atoa.



## O Tagata e Faagaoioia Mataupu o le Ola Faalagolago o le Tagata ia te ia Lava

- E 14,984 vaega o le ola faalagolago o le tagata ia te ia lava
- 137,458 tagata auai
- 2,658 galuega ua faamaumauina i le IS ma Kanata
- E silia ma le 400 faifeautalai mo galuega

**E FAAFOE E LE EKALEZIA** ia polokalama ma punaoa o le ola faalagolago o le tagata ia te ia lava e fesoasoani ai i tagata taitoatasi ia maua galuega, ia malupuipua i tulaga tautupe, maua avanoa faaleaoga, ma fausia le malosiaga faalelagona.

O nei taumafaiga e lagolagoina e faifeautalai ma isi volentia, o e faafoea vaega o le ola faalagolago o le tagata ia te ia lava ma le aoaoina o galuega i atunuu e 144 i le lalolagi atoa. Na faateleina tagata auai o vaega i le 16 pasene i le 2021, faatasi ai ma le 31 pasene o le tuputupu ae o le aofai o tagata taitasi o loo sailia le fesoasoani mo ni galuega, aoga, tupe patino, po o le amatina o se pisinisi.

O se tasi o mataupu fou i le 2021 o se kosi i le malosi faalelagona. O le tusi lesona fou ma vitio mo le Mauaina o le Malosi i le Alii: O le Malosi Faalelagona o loo maua e fesoasoani ai i tagata o le ekalesia faapea ma uo. E tulaui le kosi i le atiaaina o mamana o le mafaufau maloloina, puleaina o le atuatuvaale ma le popolevale, malamalama i le faanoanoa ma le atuatuvaale, ma le faatoilaloina o le ita. O le sini o le atiina ae lea o le malosi faalelagona o tagata auai, ina ia saunia lelei i latou e feagai ma luitau o le olaga.

E faaopoopo atu i nei kosi, o tagata taitoatasi o loo sailia se galuega e mafai ona maua le fesoasoani e faaleleia atili ai a latou sailiga galuega ma tomai mo faatalanoaga. E mafai foi ona latou fiafia i le aoaoina o galuega ma aoaoga i luga o le initoneti. O lenei galuega na iu ai i le faitau afe o tagata taitoatasi na mauaina ni galuega fou pe sili atu i le 2021.

O se tasi o ia tagata o Iosefa, o se inisinia e i ai se faailoga o le matuaofaiva i le inisiniaina o vaalele mai le Iunivesite o le Setete o Arisona. Ina ua maca lona faauuga, sa tauivi Iosefa e sue se galuega. Ina ua tuanai le tele o faatalanoaga e lei faamanuiaina, sa malie Iosefa e asiasi i le nofoaga autu o Auaunaga o Punaoa mo Galuega i le lotoifale,



---

*“E mafai e tagatanuu musuia ona foia o latou lava faafitauli faatasi ai ma sina fesoasoani faaopoopo itiiti. Ua tatou iloa o le fofo o le a le tutusa i soo se mea, ae ua tatou iloa e mafai ona faaaoga ai mataupu faavae autu.”*

---SISTER REYNA I. ABURTO

Fesoasoani Lua i le Au Peresitene Aoao o le Aualofa<sup>14</sup>

---

ma sa amata ona ia feiloai e le aunoa ma faifeautalai o auaunaga mo galuega mo ni aoaoga faamasani na faia mo nao ia. Sa ia auai i le polokalama o sailiga galuega ma maua ai se galuega ua ofoina mai o se saienitisi mo roketi i totonu o le lua masina.

Mo i latou o loo tauivi ma papupuni i galuega, o loo maua fautuaga mo le atiinaega e ala i le Deseret Industries. O leni polokalama e fesoasoani i tagata taitoatasi e faia ni sini ma faia ai se fuafuaga e maua ai le aoaoga ma le poto masani e manaomia e ausia ai na sini. I le avea ai ma se vaega o le polokalama, e maua e tagata auai ia aoaoga ma aafiaga i galuega moni o le olaga i faleoloa e anaina e le Ekalesia.



### **O SE SINI E AUAUNA ATU**

Ina ua uma ona faatau atu e Mekaeli lana pisinisi, sa faaauau pea ona ia galue mo le pule fou seia iu lava ina faamalolo o ia. Sa ia maua se isi galuega, ae sa lei lelei mea uma, ma sa ia aluese.

Sa oo ifo Mekaeli i se atuatuvaega loloto ma sa auina atu o ia i le iunite o le soifua maloloina faalemafaufau i le falemai i lona lotoifale. Sa fautuaina o ia e lana fomai e ulufale atu i le polokalama faataitai i le Deseret Industries. Sa amata ona galulue faatasi Mikaele ma se faufautua mo le atinaega ma se faiaoga mo galuega. Sa ia tuuina atu le fautuaga ma le fesoasoani e faatuina ai se sini e auauna atu i se misiona faatasi ma lona faletua.

I le gasologa o taimi, sa mafai ai Mikaele ona ausia lana sini, ma o loo la auauna atu ma lona faletua i le taimi nei o ni faifeautalai i le Malumalu o Palamaira Niu Ioka.

### **FAAMALOSIA O SOOTAGA FAALEAIGA**

I le avea ai o se vaega o le polokalama o le malosia faalelagona i le 2021, sa faia ai e le Eria a Aferika i Sisifo se konafesi i luga o upega tafailagi mo tagata uma o le ekalesia, ua faaau-tuina “Faafaiileina o le Malosi Faalelagona i le Autalavou.” Sa auai se tamaitai talavou ma lona tina.

A o lei faia le konafesi, sa i ai se mafutaga le mautonu a le tamaitai talavou ma lona tina. E faaaoga e le tina ni upu mataga, ma le faalum-aluma i lana tama teine.

Ina ua maea le konafesi, sa lipoti mai e le tamaitai talavou e faapea, ona o tomai na aoaoina i le konafesi, ua faaleleia atili ai amioga a lona tina ia te ia. O leni suiga na maua ai se malosiaga taua o manatu ma talitonga o le tamaitai talavou ia te ia lava.



## Auaunaga Faufautua ma Faatinoga Faaleaiga

- 2,800 fonotaga a le Polokalama o le Toe Faaleleia o Olaga mai le Tagofia o Mea ua Fai ma Vaisu i vaiaso taitasi i atunuu e 30 ma gagana e 17
- e 304,405 tagata na tautuaina
- E 189,994 vasega faufautua mo aiga, vaega, tagata taitoatasi, ma faaipoipoga

**O LE FAALAPOTOPOTOGA** o le Tautua mo Aiga a le Ekalesia e fesoasoani i taitai e tausia tagata taitoatasi e i ai luitau faaagafesootai ma faalelagona e ala i le tuuina atu o punaoa ma feutagaiga.

O se tasi o taulaiga taua mo Auaunaga mo Aiga o le Polokalama a le Ekalesia o le Toe Faaleleia o Olaga mai le Tagofia o Mea ua Fai ma Vaisu (ARP), lea e tuuina atu ai le lagolago ma se nofoaga saogalemumu mo soo se tasi e galue e faatoilalo se amioga

faamalosi. O le polokalama e aunoa ma se totogi e iai vaega lagolago e mulimuli i se faiga e 12-laasaga. O loo fausia le polokalama i totonu o se auivi e faatotonugalemu i le talalelei lea e fesootea ma le Faaola o Iesu Keriso ma iloa ai o Ia o le punavai o le faamalologa. O le Polokalama o le Toe Faaleleia o Olaga mai le Tagofia o Mea ua Fai ma Vaisu ua faafaigofieina e volenitia ARP i le salafa o le lalolagi, ma soo se tasi—e tusa lava po o a o latou talitonuga faalelotu—e taliaina e auai.

E faaopoopo atu i auaunaga a le ARP, e ofo atu e le Auaunaga mo Aiga le fautuaga i tagata i ni tulaga eseese. E aofia ai tagata o le ekalesia, faifeautalai, ma matua faaolioli. E mafai e fomai o le soifua maloloina o le mafaufau ona feutagai ma taitai o le Ekalesia i le auala sili e fesoasoani ai i tagata o le ekalesia i totonu o o latou eria. Latou te taitaia foi aoaoga faufautua mo aiga, vaega, ma faaipoipoga.

### O SE OLAGA NA SUIA MO LE LELEI

Ina ua uma ona tauivi ma se vaisu o ponokalafi mo ia lava mo le 50 tausaga e aunoa ma le alualu i luma, sa auai loane\* i se fonotaga a le ARP i se taumafaiga e talanoaina ana amioga faamalosi. O le fonotaga a le ARP, sa ia fai mai ai, na suia ai lona olaga. Na liliu atu e loane lona olaga i le Alii, auai i fonotaga a le ARP, ma galue e faamaea le polokalama e 12-laasaga.

A o auai pea o ia i fonotaga a le ARP, sa lagona e loane se naunautaiga e auauna atu o se volenitia i le polokalama o le ARP e toe faa-

foi atu mea e pei ona sa ia mauaina. E ui lava i ona lava masalosologa, ae sa ta'u atu e loane i lona epikopo e uiga i lana sini. E lei leva, ae ia mauaina se tofiga volenitia. Sa ia auauna atu i le polokalama o le ARP mo le fa tausaga, lea na faatagaina ai o ia e faaauau pea i lona ala o le toe faaleleia a o fesoasoani atu i isi e suia o latou olaga.

\*Ua suia le igoa





## Deseret Industries [Faleoloa o le Tesareta]

- E 9,054 paaga faapisinisi na tautuaina
- E 58,981,915 pauna o oloa na toe faaaogaina
- E 39,835 aitema o meaafale na gaosia
- E 137 faifeautalai o auaunaga

**I LE 1938**, na faatuina ai e le Ekalesia le Deseret Industries (DI) [Faleoloa o le Tesareta] o se auala e atiae ai tomai o tagata o e saili le ola faalagolago atili o le tagata ia te ia lava.

Ina ia ausia leni sini, e faagaioioia e le Faleoloa o le Tesareta ni faleoloa e faatau ai aitema ua faaaoga e 45 i totonu o setete e valu. O foai ma meaafale fou (e gaosia e ala i le Faleoloa Gaosi Mea o le Tesareta) e mafai ai e tagata taitoatasi ona gafatia le faatau mai o mea e manaomia. O i latou e le tagolima o e e faasino atu e le epikopo e mafai foi ona maua laei ma aitema taua o le aiga e leai se totogi.

E lagolagoina atili e le DI le ola faalagolago o le tagata ia te ia lava e ala i lana polokalama faalegaluega. O leni polokalama e fesoasoani i tagata

taitoatasi o loo tauivi ma papupuni o galuega e fausia ai tomai, maua aoaoga faamasani mo le saunia o galuega, ma manuia ai mai le aoaoina o galuega, ina ia mafai ai ona latou agai atu i le manuia o galuega mo se taimi umi.

E tuuina atu foi e le DI le faatagaga a le nuu e faataga ai faalapotopotoga e le saili tupe e maua ni oloa e aunoa ma se totogi mo le faaaogaina i nuu i le lotoifale. I le 2021, na faatautaia ai e DI le 270 o ia ituaiga o foai i le nuu.

Ma le mea mulimuli, e lagolagoina e DI taumafaiga fesoasoani alofa a le Ekalesia i le lalolagi atoa e ala i lona Nofoaga Autu mo Fesoasoaniga Alofa, lea e teuina ai foai e le'i faatauina atu ma tufatufa atu i le mea e sili ona manaomia ai.

E i ai se matafaioi taua a tagata o le Ekalesia ma faifeautalai i le misiona a le DI. E faaopoopo atu i le foai atu o aitema i o latou faleoloa DI i le lotoifale, sa ofo atu e tagata o le Ekalesia ma faifeautalai o auaunaga itula e 122,841.

### O LE TOE ATOATOA

Sa galue Neal i le feafaatauaiga faapisinisi ina ua faafuasei ona leiloa lana galuega ia Mati o le 2020. Sa sau o ia i le Faleoloa o le Tesareta e saili se galuega, ae sa ia mafaufau i ai o se vaifofo e puluti ai le ava [o le leai o se galuega]. Peitai, i le taulumaga o taimi, sa amata ona matauina e Neal le ala na suia ai lona olaga ona o lana galuega fou.

“O le galue ai i le Faleoloa o le Tesareta na faaali mai ai ia te au le ala e faaaoga ai le alofa o Keriso i lou olaga galue i aso uma,” o le tala lea a Neal. “Sa ou aoaoina le onosai, filiga, lotomaualalo, faaaloalo, agaalofa, faapalepale, ma le mamalu. Sa latou toe tuufaatasia se tamaloga na nutimomoia, ma e le o i ai moni ni upu mo le tele o le lotofaafetai e mafai ona maua e se tagata mo lena mea.



*O le polokalama faafaifeautalai a le Ekalesia e tuuina atu ai i tagata o le ekalesia le avanoa e ofoina atu ai auaunaga anoa—i le lotoifale ma le lalolagi atoa.*

*O faifeau faamisiona o auaunaga e auauna atu faavaitaimi mo le 6–24 masina. Latou te faatulagaina ma auai i galuega fesoasoani i totonu o o latou nuu i le lotoifale. E mafai foi ona valaauina faifeautalai o auaunaga e fesoasoani i galuega faatino o fesoasoaniga alofa i le lotoifale.*

*O faifeautalai faamisiona e auauna atu mo le 18–24 masina, ma e mafai ona tofia i latou e galulue toetoe lava o soo se mea i le lalolagi. A o taulai nei faifeautalai e aao atu e uiga i le Faola, latou te auai foi i galuega auauna atu o se vaega o lo latou valaauga. E mafai foi ona valaauina i latou e fesoasoani i tulaga e tali atu i faalavelave faafuasei i eria ua tofia i ai i latou.*

## Faifeau Faamisiona Talai ma Faamisiona o Auaunaa

**“I LE AVEA AI MA FAIFEAUTALAI,** matou te fiasia lava i le mauaina o avanoa e auauna atu ai aua e faatagaina ai i matou e fesoasoani atu i isi e pei ona faia e Keriso,” o le tala lea a Sister McQueen, o se faifeautalai faamisiona o loo auauna atu i Niu Sila.<sup>15</sup>

I le 2021, sa mafai ai e Sister McQueen ona auai i le tele o galuega faatino o se vaega o lana auaunaga faafaifeautalai—e aofia ai se avanoa e fesoasoani ai e faatumu se koneiteina o le vaalalo i tusiaoga ma meafale. O nei aitema mulimuli ane na auina atu i tamaiti aoga i Fiti, lea na faaleagaina ai le tele o a’oga e afa.

**E MASANI ONA VALAAUINA FAIFEAUTALAI** e auauna atu i galuega fesoasoani alofa i totonu o eria ua tofia i ai i latou. I Melepone, Ausetalia, mo se faataitaiga, sa galulue faatasi ai faifeautalai e uta mai ma faatulaga meaalofa o le Kerisimasi ia na foai atu i aiga e le tagolima. E faapena foi, o faifeautalai i Cape Verde na fesoasoani e tiliva ato meaa i ni aiga fia tausasami e 70.

**O GALUEGA FAATINO A NUU I LE LOTOIFALE** e mafai foi ona manuia mai le aafia ai o faifeautalai. I le Aai o Kuatemala, sa auai faifeautalai i le gaoioiga o le “Pintemos la 8 calle”, lea na latou valiina ai luma o fale o se vaega o le polokalama o le toefaafouga o avanoa faitele. I le taimi lea i Guam, sa galulue ai faifeautalai i faamamaaga faalevaiaso e fesoasoani e faamatagofie ai le siosiomaga.

**PE A FAAPEA E TUPU MAI** ni faalavelave faalenatura ma isi faalavelave faafuasei, e ofo atu e auaunaga i le lotoifale ma faifeautalai faamisiona o latou taimi ma le malosi e fesoasoani ai ia i latou e manaomia le fesoasoani. Mo se faataitaiga, i le 2021 na vaaia ai lologa tetele i vaega o Siamani, Peleseuma, o Netalani, Lakemapoko, ma Suitiselani.





*“E tele mea e mafai ona  
aooa mai taunuuga  
ofoofogia e ala mai i le  
faaaogaina o mataupu  
faavae faigofie o le  
talalelei.*

—ELDER GARY E. STEVENSON  
Korama a Aposetolo e Toasefululua<sup>16</sup>

I totonu o ni nai aso, e silia ma le 60 faifeautalai na auina atu i eria na aafia, ma latou faavasegaina ai oloa na foai atu ma faamamaina le palapala ma otaota mai fale ma faleaoga. I le faagasologa o nai masina na sosoo ai, na tuuina atu ai e faifeautalai le silia ma le 12,000 itula o auaunaga, ma taitai atu ai i le tele o tagata i le lotoifale ua valaauina i latou o “engel unterwegs”—agelu i le ala.

---

**E OFO ATU FOI E FAIFEAUTALAI O** latou taimi e fesoasoani ai i galuega fesoasoani alofa i totonu o o latou eria. Ia Oketopa, e 182 faifeautalai sa auai i se aso o le tui puipui i Puebla, Mekisiko. Sa latou tufatufaina atu vailaau e faamama ai lima, taitaia le motua o tagata, ma taliina fesili. O se taunuuga o a latou taumafaiga, e silia ma le 110,000 tagata matutua na mafai ona maua o latou tui puipui o le KOVITI-19.

---

**FAI MAI ELDER MORÁN**, o se faifeautalai o loo auauna atu i le Misiona a Puebla i Matu, “Matou te talitonu a tatou auauna atu i isi, ua tatou auauna atu i le Atua. Matou te talitonu o i tatou o uso i le faatua, o le aiga o le Atua, o lea o le auauna atu e taua i lo tatou talitonuga.”<sup>17</sup>



Luga: E galulue faatasi le Soloaiga o Auaunaga a le Ekalesia ma i latou o e manaomia le fesoasoani i manaoga eseese, e pei o le fesoasoani mo le sailiga o galuega ma le mauaina o punaoa i le lotoifale.

## Auaunaga Fesoota'i

- E 5,000 tagata taitoatasi ma aiga na fesoasoani i ai e ala i tupe o le taulaga anapogi po o le faamaoniga a epikopo
- E silia ma le 29,000 itula o galuega auauna faafaifeautalai

**O TAGATA FAIGALUEGA TUMAU MA FAIFEAUTALAI FAAMISIONA O AUAUNAGA** i ofisa o le Transitional Services [Soloaiga o Auaunaga] a le Ekalesia e tula'i i le tuuina atu o fesoasoaniga faaletino, faalemafaufau, ma faaleagaga i se vaega toatele o tagata taitoatasi—e aofia ai na nofoaga e faatonutonuina ai, o tamaitai ua laveaiina mai fefaatauaiga, tagata matutua, ma tagata taitoatasi o e na malaga mai talu ai nei, ua sosola ese mai lo latou atunuu, po o le leai o se aiga.

O le Soloaiga o Auaunaga e faagaioioia i nofoaga e fitu i le Iunaite Setete faatasi ai ma le fesoasoani mai faifeautalai o auaunaga e 131. E fesoasoani foi tagata o le Ekalesia i nei taumafaiga e ala i tofiga faaleautaitai perisitua ma le Aualofa, tofiga

faafaifeautalai, ma valaauga i uarota ma paranesi. O nei volenitia e galulue faatasi ma faalapopotoga a le alalafaga ma isi faalapopotoga a le Ekalesia (e pei o le Faleoloa o le Tesareta ma le Tautua mo Aiga) e fesoasoani ia i latou e manaomia le faaogaina o punaoa e sili ona aoga ia i latou.

Toetiiti o le afa o i latou na fesoasoani i ai i le 2021 e le o ni tagata o le Ekalesia. O nei taumafaiga e uunaia e aoaoga a Iesu Keriso e fesoasoani ai ia i latou e le tagolima, tausia o le tasi, ma alolofa i o tatou tuaoi e pei o i tatou lava.

O i latou o e mauaina le fesoasoani e faaalua e alofagia i latou o ni fanau a le Atua, ua tuuina atu i ai punaoa e fesoasoani ia i latou e faatoilalo ai papupuni e ono faalavelave i lo latou alualu i luma, ma faatonuina i le taua o le auauna atu i isi. E ui o se tasi o faamoemoega autu o le Soloaiga o Auaunaga o le fesoasoani lea i tagata taitoatasi ia ola faalagolago le tagata ia te ia lava, ae e tutusa lava le taua o le mafai e tagata taitoatasi ona faatoilalo le mativa faaleagaga. O le mea moni, e o faatasi mea ia e lua.

### SELESELE I FAAMANUIAGA O LE OLA FAALAGOLAGO O LE TAGATA IA TE IA LAVA

Ina ua tatalaina mai le falepupui i le mavae ai o le 25 tausaga, sa faasino atu Carl i le ofisa o le Soloaiga o Auaunaga e lona perisitene o le paranesi. Sa faamautinoa e le Soloaiga o Auaunaga sa i ai mea e manaomia e Carl e pei o meaai, lavalava, ma le mafai ona faaoga auala o feoaiga mo tagata lautele, lea na fesoasoani ia te ia e toe tulai ai mo ia lava. Ae faatasi ai ma nisi e pele i lona olaga, sa manaomia foi e Carl le lagolago e maua ai le fiafia, faamoemoega, ma le faamoemoega.

Sa aoaoina e volenitia i le Soloaiga o Auaunaga ia Carl e uiga i le mana o le Faaola, ma fesoasoani ia te ia ia iloa lona taua ma lona gafatia. Sa latou fesoasoani foi ia te ia ia maua se galuega. Talu mai lena taimi sa ia sailia ni avanoa e fesoasoani ai ia i latou i tulaga talitutusa faapena, fesoasoani i isi pagota muamua e toatolu ia maua ni galuega ma maua ai le faamoemoega.

# Fesoasoaniga i le Lalolagi Atoa

*“O le tele o taumafaiga o galuega fesoasoani alofa e manaomia ona ausia e ala i le tuufaatasia ma le puleaina o punaoa taitasi i sona tulaga aotele. E faia e le Ekalesia toefuataiina lenei mea faatasi ma ana taumafaiga tetele o galuega fesoasoani alofa i le lalolagi atoa.*

PERESITENE DALLIN H. OAKS, FESOASOANI MUAMUA I LE AU PERESITENE SILI<sup>18</sup>





## Lava o Taumafa ma Paleni

- E 104 galuega faatino o le ia lava meaai i le lalolagi atoa
- E 18 atunuu na aafia ai

### O LE EKALESIA A IESU KERISO O LE AU PAIA

**O ASO E GATA AI** e talitonu e faapea e tatau i tagata uma ona maua meaai paleni. Faatasi ai ma le fesoasoani a foai mai tagata o le ekalesia, ua galue ai le Ekalesia e faatulaga ia lava meaai ma taumafa tatau mo nuu i le salafa o le lalolagi e faaleleia atili ai lo latou soifua maloloina atoa ma le tulaga lelei o le olaga.

Afai e le mafai ona maua ni meaai felanulanuai ma paleni, e fautuaina tagata taitoatasi e faia ni fuafaataata e toto ai e i latou lava ni fualaauiaina, fualaaui faisua, ma saito. O le aoao e sapolai meaai mo le tagata lava ia ma le aiga e maua ai se lagona o le faamalieina ma e mafai ona maua ai ni penefiti mauuluga faalesoifua maloloina mo augatupulaga a sau.

Faatasi ai ma le galulue faatasi o isi vaega e pei o le Concern Worldwide, Catholic Relief Services, ma le UNICEF USA, sa fesoasoani ai le Ekalesia e faatau-nuu galuega faatino e 104 ia lava meaai e maua i le salafa o le lalolagi i le 2021. Sa aoaoina tagata taitoatasi ma aiga i metotia faaleleia o mea tau faatoaga lea o le a taunuu i le faateleina o le maua o meaai i o latou nuu pe a maea galuega faatino.

Mo se faataitaiga, o Aperamo, ua matuai faamanuiaina lava mai aoaoga na tuuina atu e ala i se galuega faatino na faatinoina e ala i le Concern Worldwide. O se faitogalaaui o fualaaui faisua lotonaunau i Liberia, sa mafai ai e Aperamo ona aoao tomai faatekinolosi lea na fesoasoani ia te

ia e maua ni laau toto faateleina. E faaopoopo atu i le mafai ona fafaga i lona aiga, ua mafai nei ona ia faatauina atu ana faasiliga i isi i lona nuu. O Aperamo o se tasi mai le 31,262 o faatoaga laiti a aiga e lagolagoina e ala i galuega faatino a le Ekalesia i lenei tausaga.

E saofaga foi le Ekalesia i galuega faatino e fesoasoani ai i tagata auai e aoao mataupu faavae autu ma faiga masani o meaai paleni lelei. Mo se faataitaiga, sa galulue le Ekalesia ma isi faalapotopotoga agaalofa e tufatufa atu se masini laitiiti ae malosi o le “Lucky Iron Fish” e faaleleia ai le faaitiitia o le totovaivai o tina maitaga i Benin ma Senegal. O lenei fasi uamea e lua inisi ma e foliga i se ia na te faamatuu mai le ono i le valu milikalama o le faatuputoto i soo se suavai pe a faapuna, ma e mafai ona toe faaogaina mo ni nai tausaga. E ala atu i lenei galuega faatino, sa mafai ai e le Ekalesia ona maua ma lava Lucky Iron Fish e faaleleia ai le silia ma le 5 miliona o meaai.

---

*“E sili atu lea nai lo se sootaga i le va o auunaga alofa e lua, o se sootaga i le va o le faatuatua o nuu ua tuuto e aapa atu i o tatou uso ma tuagane i le lalolagi atoa.”*

—SEAN CALLAHAN

Peresitene ma le Pule Faatonu o Auunaga Toomaga a le Katoliko<sup>19</sup>

---



### O LE GALUEGA FAATINO O TOGALA'AU A LE AOGA

I Kyrgyzstan, sa galulue faatasi ai le Ekalesia ma Le Mercy Corps e fesoasoani i le tele o aoga e faavae ma tausia togalaau, faatasi ai ma le faamoemoega autu o le mauaina o ni fualaau aina fou e manaomia mo meaai a tamaiti. I le 2021, sa lagolagoina ai e le Ekalesia le totoina o ni laau se 2,102 i aoga faaopoopo e 20. O lenei mea na maua ai le aofaiga atoa e 155 o aoga na auai, ma faamanuiaina ai le silia ma le 3,000 o tamaiti aoga.

Soo se taumafa e le faaagoina e tamaiti aoga ma le afaigaluega e faatau atu e maua ai tupe e faaleleia atili ai meaai a le aoga. Ia Novema 2021, na maua ai e se iloiloiga a le Mercy Corps e faapea, o le aofaiga atoa o tamai laau na ola e 95%, e faafetaia ai tau-mafaiga maoae a le aoga ia tausia ma vaaia ia togalaau.

### LAGOLAGOINA O FANAU E LE PALE-NI MEAAI

Ina ua 18 masina le matua o Gbassay o Sierra Leone, sa mafatia o ia i le matua o le matelaina ma isi faafitauli faalesoifua maloloina ma sa taofia o ia i le falemai mo le lua masina. Faafetai i le lagolago na tuuina mai e le Ekalesia ma le UNICEF USA, sa mafai ai e Gbassay ona maua le mamafa [pauna] talafeagai e ola ai.

Peitai, sa na o le laasaga muamua lenei, ona o le atiinaeina faaletino ma le mafaufau o Gbassay i le lumanai o le a faalagolago lea i ana meaai mo aso uma. E ala i le auai i se vaega lagolago i le auala e faaoga ai meaai ua totoina i le lotoifale e fafaga ai fanau, sa aoao ai e le tina o Gbassay le auala e faafaiile lelei ai lana lava tama ma avea ai foi ma se "amepasa o meaai paleni" e aoao atu ai nei lava tomai i isi tina i lona nuu.

O se taunuuga o taumafaiga tuufaatasi a le Ekalesia ma UNICEF USA i le 2021, pe tusa ma le 1,500 tamaiti i le Itu o Sierra Leone Moyamba ua toe manuia ina ua maua le togafitiga mo meaai paleni.



© 2021, lucky from Fish Enterprises (LIFE)



© DIGDEEP

## Vai Mama ma le Faamamaina

- E 1.74 miliona tagata na fesoasoani i ai
- O galuega faatino sa faia i atunuu e 47
- E 114 galuega faatino o vai mama ma le faamamaina [o vai]

**O LE VAI MAMA** ua avea ma taulaiga autu o Le Ekalesia a Iesu Keriso o le Au Paia o Aso e Gata Ai mo le tele o tausaga. O le mauaina o le vaiinu e saogalemu le taulimaina ma auunaga mo le faamaaga e taua i le tulaga lelei o le olaga ma e maua ai se faavae mo aiga ma nuu.

O vai mama e siitia atili ai le atiinaeina faaletagata e ala i le faaleleia sili o le soifua maloloina, tausaina o tamaiti ma le autalavou i le aoga, ma mafai ai e tagata taitoatasi ona ola faalagolago le tagata ia te ia lava.

E ui e mafai ona fesoasoani faifeautalai o le uelefea i taumafaiga e tuuina atu le vai mama i le lalolagi atoa, ae o le tele o galuega faatino e le manaomia pe aofia ai le auai tuusao o tagata o le Ekalesia. Ae, e faaoga e le Ekalesia foai mai tagata o le au paia e galulue ai ma faalapotopotoga o iai fuafuaga faalauaitete e faamalositia ai polokalama o le suavai mama ma le faiga e faamama ai. O le tele o nei faalapotopotoga o se vaega o le Agenda for Change—o se tuufaatasiga o vaega autu ua tuuto atu i le faamalositia o le polokalama o le suavai.

O le sini a le Ekalesia ia saunia nuu e maua ai le suavai mama e taulai atu i le paia, faamoemoega, ma le taua o le olaga. E le gata i lea, e galue le Ekalesia ina ia mautinoa le lagolagoina e ala i le aoaoina o nuu i le lotoifale i faiga sili ona lelei o le soifua maloloina ma le tausiga o le tumama, faapea ai foi ma le tausiga o a latou polokalama o le suavai.

I lenei tulaga, sa faamaeaina ai e le Ekalesia nisi o galuega faatino iloga o le suavai i le 2021, e aofia ai se vaavaalua ma le Vai mo Tagata e fausia pe lipa ai polokalama e lima o vai o le lotoifale i nuu o Chinda, San Antonio de Cortés, ma El Negrito, Honduras. O lenei galuega faatino na faaleleia ai le auunaga i le suavai mo tamaiti aoga ma faiaoga e 231, faapea foi ma le 936 o tagatanuu.

Sa lagolagoina foi e le Ekalesia se galuega faatino o le suavai i Mali e o faatasi ma WaterAid. Na saunia e le galuega faatino ni fale'ese se 11 i aoga ma fale mo le tausiga faalesoifua maloloina. E le gata i lea, sa faapipiina se masini e maua ai le suavai i se falemai i le lotoifale, faatasi ai ma se masini e susunuina ai otaota e ono matautia i le siosiomaga Sa faapoopo iai se fale mo tagamea i se iunite mo tina maitaga, ma ni komiti se lua o le pulega a le aoga ma se faalapotopotoga e tasi o le soifua maloloina i le lotoifale na mauaina aoaoga i le auala e tausisia ai le mama o fale. I le aofaiga atoa, o le galuega faatino na aafia ai le silia ma le 5,300 tagata.

*“I le mamauina ai o a tatou auunaga ia Iesu Keriso, e taua ona manatua o Ana taumafaiga e alofa, siitia ae, auuana atu, ma faamanuia atu sa i ai se sini maualuga atu nai lo o le taulimaina o le manaoga vave. Ae sa finagalo o Ia e faia ni mea se tele atu nai lo o le taulimaina na o le asō.*

---EPIKOPO W. CHRISTOPHER WADDELL

Fesoasoani Muamua i le Au Epikopo Pulefaamalumaluc<sup>20</sup>



## SUAVAI MAMA I LE MALO O NAVAJO

E tolusefulu pasene o aiga o Navajo e ola e aunoa ma le maua faigofie o le suavai. Ina ia foia lenei faafitauli, O Le Ekalesia a Iesu Keriso o le Au Paia o Aso e Gata Ai sa galulue faatasi ma le Ituaiiga o Navajo i le 2021 e aumai le suavai mama i paipa i le Malo o Navajo. Na ausia lenei mea e ala i se faigapaaga ma le DigDeep, o se faalapopotoga le saili tupe.

O le DigDeep, le Ekalesia, ma le Ituaiiga o Navajo na galulue faatasi i le taimi o le faama'i pipisi o le KOVITI-19 e tiliva le suavai i le faitau selau o le 275-kalone o tane vai e faatumu i aso uma e ala i loli tanevai. E oo mai i le aso, ua faamanuiaina e le galuega faatino le silia ma le 700 o tagata i Niu Mekisiko, Iuta, ma Arisona.

E le gata i lea, sa taulai atu le Galuega Faatino o le Vai o Navajo i auala e tilivaina ai le suavai ma le faataatitiaina o paipa mo tagata e sili ona vaivai—e aofia ai ma tagata matutua Navajo. E oo mai i le aso, o nei polokalama o le suavai mo aiga ua maea ona faapipiina i aiga e 20.

## TOEFAALELEIA O LE FETA'IAI'GA O LE SUAVAI I HONDURAS

Ina ua taia e afa fulifao e lua ia Honduras i le 2020, sa faatamaia ai le feta'iaiga o le vai i le taulaga o Korinito. O le taunuuga, na tataua ai ia Bessy ma le faitau selau o isi ona lauina atu le suavai i o latou fale mai se alia. Sa faapitoa le luitauina o lenei mea ona sa tupu i le taimi o le faama'i pipisi o le KOVITI-19.

I le tali atu i ai, sa galulue tagata o le nuu ma le au enisinia mai le Vai mo Tagata e fesoasoani i taumafaiga e toefausia le alavai o le suavai. Sa lagolagoina e le Ekalesia nei taumafaiga, ma na iu ina toe faaleleia le suavai mo Cordoncillos.

O Bessy ua avea nei ma se tasi o le silia ma le 3,000 tagata ua i ai le suavai saogalemu e puipuia ai lo latou soifua maloloina ma faamamaina ai a latou taumafa. I le aafia ai i se taimi e aunoa ma le mauaina o se suavai mama, e faapitoa lava le faafetai a Bessy mo i latou o e na toefaia alavai o le suavai i lona taulaga ma o e o loo taitaia taumafaiga o le suavai mama i le lalolagi atoa.



© DIGDEEP



© DIGDEEP



## A’oga

- E silia ma le 600,000 tamaiti aoga na maua le auaunaga
- O tusiaoga ma anomea faaleaoaoga na tuuina atu mo tamaiti aoga e 7,740
- O meaafale o potuaoga na tuuina atu mo tamaiti aoga e 6,998
- Aoaoga i luga o upega tafailagi mo tamaiti aoga e 2,400

### O LE TUUINA ATU O LE AVANOA I AOAOGA SILI ONA LELEI

mo tagata uma e siitia ai le mamalu i tagata uma ma aumaia ai tagata taitoatasi ia latalata atili atu i le Atua. Ua faatonuina i tatou e le Alii ina ia aoao pea lava pea— “ia saili i le aoao, e faapea foi i le suesue ma le faatuatua ” (Mataupu Faavae ma Feagaiga 88:118). I le ma lea, tatou te talitonu “o le mamalu o le Atua o le atamai lea, po o, i nisi upu, o le malamalama ma le upumoni” (Mataupu Faavae ma Feagaiga 93:36).

O le polokalama o nonogatupe a le Tupe Faaagaga mo Aoga (TFA) e fesoasoani i tagata o le ekalesia e totogi ai polokalama faaleaoaoga ina ia mafai ai e i latou ona maua ni galuega e sili atu pe amata foi a latou lava pisinisi. I le 2021, e 2,282 tagata auai fou o le TFA na mauaina ni nonogatupe faaleaoaoga, ma faatagaina ai i latou e auai i polokalama o aoaoga faalematata esese e oo atu i le lua tausaga. O le 170 o nei tagataauai na faauuina i le 2021, ma o le 177 na maua galuega sili atu ona lelei—o nisi o i latou na maua ae lei oo i lefaauuga. I le 2021, sa faaavanoaina ai foi le polokalama o nonogatupe a le TFA mo tagata auai i atunuu fou e fa: Burundi, Cameroon, o le Ripapelika o Congo, ma Rwanda.

O le polokalama o le Sikolasipi a Benson e tuuina atu ai sikolasipi e fesoasoani i tagata e mauaina ia maua aoaoga pe a mavae le aoga maualuga i vaega e faatatau i faatoaga. I le 2021, e 237 tagata na tauaaoina atu i ai ni sikolasipi.

E faagaioia foi e le Ekalesia le BYU–Pathway Worldwide, lea e galulue soosoo tauau ma le Brigham Young University–Idaho ma le Ensign College ina ia maua ai se avanoa sili atu e taugofie ai aoaoga i luga o le upega tafailagi. I le 2021, na auauna atu ai le BYU–Pathway Worldwide i le toetiiti 60,000 tamaiti aoga mai le silia ma le 180 atunuu. E silia ma le 50 pasene o tamaiti aoga o le BYU–Pathway e mai atunuu i fafo atu o le Iunaita Setete po o Kanata.

E ala i le polokalama EnglishConnect a le Ekalesia, ua mafai ai e tagata taitoatasi i le lalolagi atoa ona faateleina le ola faalagolago o le tagata ia te ia lava ma faalautele ai avanoa e ala i le aoaoina o le Igilisi. Ua ofoina atu kosi i le tele o atunuu ma itulagi, e aofia ai Pasila, Korea, Mekisiko, Iapani, le Keripiane, ma Amerika Tutotonu.

I le ma le isi, lagolagoina e le Ekalesia polokalama faaleaoaoga e fesoasoani ai i tagata i le salafa o le lalolagi o e ua aveva ma tagata sulufai pe ua faaunuu. O a’oga ma galuega o ni ituaiga fesoasoani masani ia e lua e talosagaina e nei tagata faitau aofai. O galuega faatino e aofia ai le toefaaleleia ma le faameaafaleina o potuaoga, tuuina atu o sapolai mo aoga, ma le lagolagoina o tekinolosii e faafaigofie ai le aoaoina i luga o upega tafailagi (e pei o le taimi o le faama’i pipisi o le KOVITI-19).

*“O le aoaoga i le olaga atoa e mafai ona faateleina ai lo tatou gafatia e talisapaia ma olioli i galuega ma le matagofie o le lalolagi ua siomia ai i tatou.”*

--- PERESITENE DALLIN H. OAKS  
Fesoasoani Muamua i le Au Peresitene Sili<sup>21</sup>

Pe a fesoasoani i galuega faatino mo aoaoga mo tagata taitoatasi o e o ni tagata sulufai, e galulue le Ekalesia ma faalapotopotoga ua faatuina i le lalolagi, faarisone, ma faaleatunuu. O nei faalapotopotoga tupito e faia le galuega faavae i nofoaga po o nuu, e faatasi ai ma le mataituina o galuega e masani ona faatinoina e faifeautalai ma isi volenitia.

O loo i ai foi i le a’oga se matafaioi taua i le tele o isi ta’imua fesoasoani alofa a le Ekalesia. Ina ia mafai ona faalauiloa atu le lagolagoina tumau, e filifilia e le Ekalesia ni galuega faatino e tuuina atu ai

aoaoga o tomai faapitoa ma aoaoga i le eria o loo aafia ai. O lenei mea e faamautinoa ai ua saunia fomai e faaoga ni masini fou, ua aoaoina nuu ina ia faatumauina nofoaga fou o le suavai, ina ia sili atu ona nofouta tagata taitoatasi i punaoa ma faiga sili ona lelei mo lo latou eria, ma isi mea.

E lagolagoina e tagata o le ekalesia i le lalolagi atoa ia ta’imua mo aoaoga e ala i le galuega volenitia ma le auunaga faafaifeautalai. O nei volenitia na foai atu le toetiiti atoa le 10,000 itula o auunaga i le 2021.



### SA NAUNAU TAMAITI AOGA SURIA E AOA

I le 2021, sa faipaaga ai le Ekalesia ma Jusoor—o se polokalama faaleaoaoga mo tamaiti ma le autalavou Suria. O le galuega faatino na fatuina ai se polokalama faaleaoaoga i luga o le initoneti e taua o le “Azima,” e faaigoa i le upu Arapi o le naunautaga.

I le lalolagi atoa, o le iai o tekinolosi o se vaega faateleina lea i aoaoga a tamaiti. E faapitoa lava le moni o lenei mea i nuu o tagata sulufai, lea e na o le lua-vaetolu o aiga e le itiiti ifo ma le tasi le telefoni feaveai. Na iloa e Jusoor o le toatele

o tamaiti aoga i nofoaga o tagata sulufai e ao ona faanatinati e faauma a latou meaaoga ina ia mafai ai e o latou uso ma tuafafine ona faaoga le telefoni.

Na fatuina e Jusoor ni polokalama foai ma nono e fesoasoani ai i nei tamaiti ia maua le tekinolosi sa latou manaomia. O le feagai ai ma luitau o le aoaoina i le fale i le taimi o le faama’i pipisi o le KOVITI-19, sa mafai e tamaiti aoga i le polokalama i Azima ona alualu i luma tele i le matematika, Arapi, ma le Iglisi.



© Himalayan Cataract Foundation

## Tausiga Faalesoifua Maloloina ma Manaoga Faapitoa

- E 135 galuega faatino feaveai i atunuu ma teritori e 57
- E 25 galuega faatino o le tausiga o tina ma pepe fou i atunuu e 18
- E 28 galuega faatino o vaaiga [mata] i atunuu ma teritori e 24
- E 7 faalauiloa e faamuta ai faama'i e pei o le mai suka, mai pipili, ma le misela

**I LE TAIMI O LE GALUEGA A KERISO I LE OLAGA NEI**, sa Ia matua faaeteete e auauna atu ia i latou e i ai manaoga faapitoa faaletino, vaivaiga, ma ma'i. Tatou te faaauau pea leni misiona maoae i le taimi nei e ala i a tatou galuega faalesoifua maloloina ma i latou e iai manaoga faapitoa i le lalolagi atoa.

O a tatou ta'imuaga e taulai atu i vaega e fa: tausiga o vaaiga (mata), fesoasoani mo nofoa faataavalevale ma feoaiga, tausiga o tina ma pepe fou, ma tui pui-pui. E galulue le Ekalesia ma auaunaga i le lotoifale o le soifua maloloina ma isi faalapotopotoga ina ia malamalama atili ai i manaoga ma le mafaufau i vaifofo. Tatou te galulue faatasi foi ma faalapotopotoga faatuatuaina, e pei o le CharityVision, Lions Club International Foundation, UNICEF USA, ma isi.

Pe a filifilia ni galuega faatino, e faamuamua e le Ekalesia ia galuega ta'imua e taitai atu ai i faaleleiga mo se taimi umi. Matou te iloilo ina fuafuaga taitasi o galuega faatino ina ia faaleleia ai le tulaga lelei ma le lagolagoina o le polokalama o le soifua maloloina i le lotoifale, e aofia ai fuafuaga mo le tausiga faifai pea o aoaoga faamasani ma masini. O galuega faatino e tatau foi ona ogatusa ma

fuafuaga o le tausiga a le atunuu, faamalositia faiga o loo i ai, ma faaleleia le sauniuniga e tali atu ai i faamai pepesi ma isi manaoga faanatinati.

O galuega taimua faamanuaina e tatau foi ona aofia ai le mataalia ma taumafaiga faaleaoaoga ua mamanuina ina ia oo atu i tagata e le'i auauna atu i ai ma tautuaina. E aofia ai i galuega faatino taitasi uma, matou te faatinoina ai se fuafuaga o le mataituina ma le iloiloa e faailoa ai fetuunaiga manaomia.

O tagata o le Ekalesia i le lotoifale, faapea foi ma faifeautalai faamisiona o galuega fesoasoani alofa ma auaunaga, e tuuina atu le lagolago faatino i nei taumafaiga. O nei volenitia e faatautaia faatalanoaga ma tagata e maua ai le fesoasoani e avea o se vaega o le faagasologa o le mataituina ma le

---

*“O Iesu Keriso o le faataitaiga atoatoa o le . . . alofa ma le auauna atu. I le taimi o Lana misiona, sa Ia tausia e matitiva, faamalolo i e mama' ma e tauaso.”*

—ELDER RONALD A. RASBAND  
Korama a Aposetolo e Toasefululua<sup>22</sup>

---

iloiloa. O tagata o le Ekalesia e i ai tomai faapitoa po o le malamalama e mafai foi ona volenitia i le lotoifale o ni faiaoga.

Faatasi ai ma le fesoasoani mai volenitia, auaunaga o le soifua maloloina i le lotoifale, ma le faatinoina

e faalapotopotoga, sa auai ai le Ekalesia i le toetiiti 200 polokalama o le soifua maloloina ma manaoga faapitoa i le lalolagi atoa i le 2021.

I Parakuei, sa galulue le Ekalesia ma Fundación Solidaridad e saunia nofoa faataavalevale pe tusa ma le 900 tagata e i ai manaoga faapitoa ogaoga (e pei o le mai supa). O le galuega faatino foi na aofia ai le aoaoina o se vaega o fomai, fomai e gafa ma le faamalosia o le tino, fomai o le mafaufau ma lagona, ma enisinia o le faaaogaina o nofoa faataavalevale ma isi masini e fesoasoani mo le tino.

I Mozambique, sa faatupe ai e le Ekalesia se galuega faatino faatasi ma le Sightsavers e faatautaia le silia ma le 35,000 o le iloiloina o mata. Sa faatupeina foi e le galuega faatino taotoga e 1,500 o mata ma faalauiloaga faalauaitete ina ia siitia ai le silafia mo tagata e i ai manaoga faapitoa.

I Tajikistan, sa auina atu e le Ekalesia ni masini e taulima ai le tausiga o pepe fou ma tina. Sa galulue foi tagata tomai faapitoa mo le soifua

maloloina ma le Matagaluega o le Soifua Maloloina a Tajikistan e faia ni fonotaga faatekinolosi faalemasina e aoao ai fomai, tausimai, ma faatosaga e 1,000 i mataupu e pei o le maualuga o le toto i maitaga ma le taufaaolaina o le pepe ina ua fanau mai.

I Venezuela, sa galulue ai le Ekalesia ma le UNICEF USA i tui puipui mo le misela, foliga fulafula, mumu o le pa'u, faa'i tiga, uaua migi, mai pipili, ma le fatafata vaivai mo le silia ma le 400,000 tamaitai ma tamaiti. Sa faatupeina foi e le Ekalesia ia lipa ma le tausiga o tui puipui i faleteuoloo e tolu.

I Malawi, sa tuuina atu ai e le Ekalesia tupe mo auauauna e faaleleia ai le faalogo e ala i le DeafKidz International. E faaopoopo i faalauiloaga mo le silafia, sa faatupeina ma aoaoina e le galuega faatino tagata faigaluega i le lotoifale ma fesoasoani i le puipuia o le soifua maloloina. O le taunuuga, e 556 tamaiti ma tagata matutua sa suesue mo le logonoa i le 2021.



© Himalayan Cataract Foundation



© Himalayan Cataract Foundation





### FAIA O LE LALOLAGI IA SILI ATU ONA FAIGOFIE MO FESOOTAIGA

O Ezra, o lē o nofo i Filipaina, e i ai sona tulaga e leai ai ni ona tamatamailima ma tamatamaivae ma ona vae uma e lua e faasaga i le itu tauagavale. A o tuputupu a’e o ia, sa ia matauina foi o lona vae taumatau sa umi atu nai lo lona vae tauagavale, na mafua ai se le paleni i le auala na ia savali ai. Na iu lava, ina faia e Ezra le faaiuga faigata e tipi lona vae tauagavale ma faafetaui lelei ma se vae faapipii.

I le 2021, sa galulue ai le Ekalesia ma le tele o nofoaga autu faafomai faarisone, faalapotopotoga i le lotoifale, ma vaega e pei o Fomai mo le Filemu. E ala i nei taumafaiga, sa mafai ai e le Ekalesia ona tufatufa atu nofoa faataavalevale e 982 ma masini fesoasoani e 335 i le atu Filipaina atoa.

Sa ala mai i se galuega faatino e lagolagoina e le Ekalesia lea na mafai ai e Ezra ona maua lona vae faapipii, lea na mafai ai e ia ona savali ma tu ma le faigofie. O lona vae faapipii fou o le a mafai ai e ia ona fiafia i le tele o ona fealuaiga ma faalagolago ai ia te ia lava i lona olaga.



### E LIMA TAUSAGA O TAUASO UA FAAMALOLOINA

Sa taumanatunatu Halima, o se tagatanuu o Tanesania, pe mata o le a ia toe maua lona tutoatasi ina ua tuua o ia tu [uga i’a] i mata lea na tauaso ai mo le lima tausaga.

“Ou te manao e toe faalagolago ia te au lava. Sa ou tutoatasi i lo’u olaga atoa, ae o lenei ua ou lagona le matuai le aoga lava,”<sup>23</sup> o le tala lea a Halima. Sa faalagolago o ia i lona tei mo le tausiga i le taimi atoa, lea na manaomia ai e lona tei ona tolopo le aoga.

O le mea e faafetai ai, sa mafai ona togafitia le vaai a Halima. E ala i se galuega faatino e lagolagoina e le Ekalesia na faatinoina e le CharityVision, sa mafai ai ona ia maua se taotoga e toe maua ai lana vaai. O ia o se tasi o le faitau afe na matou fesoasoani i ai i le 2021 ina ia toe maua le tutoatasi ma faaleleia lo latou tulaga lelei o le olaga.

Faatasi ai ma lana vaai, ua lagona e Halima le saoloto mai ana avega ma toe maua le ola tutuatasi. E faafetai o ia ua mafai nei ona toe foi le tama teine a lona uso i le aoga.

# Tali Atu i Faalavelave Faafuasei

*“O a matou taumafaiga tuufaatasi mo toomaga ua faamalosia ai la matou tali atu i faalavelave faafuasei ma fesoasoani ai i le faitau miliona o tagata i le lalolagi atoa.”*

O MICHAEL KRUGER, PERESITENE O LE ADVENTIST DEVELOPMENT AND RELIEF AGENCY (ADRA)



Luga: I le mavae ai o le Afa o Ida, o volenitia i le lotoifale, e aofia ai tagata o Le Ekalesia a Iesu Keriso o le Au Paia o Aso e Gata Ai, na faaaluina lo latou Aso Malolo o Galuega i le faaiuga o le vaiaso e faamama ai.



## Tali Atu i Faalavelave Faafuasei

- E 199 galuega faatino e tali atu ai i faalavelave faafuasei i atunuu ma teritori e 61
- E 585 galuega faatino o le KOVITI-19 i atunuu ma teritori e 76
- E tasi le piliona tui o le tui puipui na tufatufaina

### UA TUU E LE EKALLESIA SE FAAMUAMUA MAU- LUGA

i le tali atu i faalavelave faalenatura ma isi faalavelave faafuasei i le lalolagi atoa. I le 2021, e faitau selau galuega faatino e tali atu ai i faalavelave faafuasei na faamaeaina e le Ekalesia i le toetiiti 100 atunuu. E ala i nei galuega faatino, sa tuuina atu ai le toomaga i tagata taitoatasi na aafia e ala i le sapalaiina o meaai, suavai, sapalai o fale, tausii soifua maloloina, ma isi mea e manaomia.

Faatasi ai ma nei taumafaiga sa i ai ni galuega faatino e 585 o le KOVITI-19, na faamoemoe e tumamaina ai mafatiaga mai le faama'i oti. Sa foai atu e le Ekalesia ni sapalai faafomai ma masini i le lalolagi atoa, faapea foi ma isi fesoasoaniga taua—e aofia ai ato meaai e 320,000 e fafaga ai le tasi miliona Tagata Pasila o e sa aafia i le faama'i oti.

I le amataga o le 2021, sa foai atu ai foi e le Ekalesia le \$20 miliona i le UNICEF USA e lagoonago ai le Aafiaga o le CoVID-19 Meafaigaluega Faavavevave—o le taumafaiga i le lalolagi atoa ia mautinoa ai le mafai ona maua o suega o le KOVITI-19, togafitiga, ma tui puipui—lea e aofia ai le taimua o le COVAX. O leni saofaga na avea ai le Ekalesia ma faalapotopotoga tumaoti na sili lana foai i lena taimi. Fai mai le sui o le UNICEF i Initia, o Dr. Yasmin Ali Haque, “E le masani ai i le talafaasolopito o le lalolagi ona o mai faatasi ai paaga. . . e aumai se tui puipui o le a avea ma se vaafaaoia i atunuu i le lalolagi atoa.<sup>24</sup> O galuega

faatino e tulaia atu i le tuuina atu o le avanoa tutusa i le tui puipui o le KOVITI-19 e ala i le faamautuina ma le faanatinatiina o le gaosiga o le tui puipui, aaoaina o tagata faigaluega faalesoifua maloloina, ma le taulimaina o faamatalaga sese.

Sa lagolagoina foi e le Ekalesia ni galuega faatino se fitu ina ua mavae se solo mauga mu i le Ripapelika Temokarasi o Congo. O nei galuega faatino e tulaia atu i le tilivaina o meaai ma suavai, toefuataiina o se faatanoa ma le puna o suavai mama, ma galulue faatasi ma isi faalapotopotoga o le toomaga. O se tasi o galuega faatino na faamaeaina i le galulue faatasi ai ma Women of Faith DRC na taunuu i le silia ma le 800 itula volenitia lea na aafia ai le 31,000 o tagata taitoatasi.

I le Iunaite Setete, sa galulue le Ekalesia i ni galuega faatino se fa e tali atu ai i manaoga o tagata na aafia i le Afa o Ida, o se tasi lea o afa sili ona malosi na taia ai le atunuu. E ala i foai i le Satauro Mumu a Amerika, sa fesoasoani ai le Ekalesia i le sauniaina o malutaga, meaai, ma fesoasoaniga muamua faalelagona. Sa tuufaatasia foi e le Ekalesia ia volenitia mai siteki i saute i sasae o le Iunaite Setete, lea

---

*“O lau tali vave i le amataga o le 2021 sa avea o se meafaigaluega i le faatelevaveina o a matou taumafaiga i le tilivaina o tui o le KOVITI-19 ma le aumaia o tui puipui muamua i nisi o atunuu.”*

—CARLA HADDAD MARDINI

Faatonusili o le Vaega o SuegaTupe Tumaoti ma Paaga a le UNICEF

---



na fesoasoani ai le auvaa i aiga e 6,521 e faamama meatotino e faaoga ai sapolai mai faleteuolao o epikopo i le lotoifale.

Ia Aokuso 2021, sa luluina ai e se mafuie e 7.2-le malosi ia Haiti, lea na mafua ai se faatamaia tele i fale ma aveesea ai le faitau afe o tagata. Sa tali atu le Ekalesia e ala i le galulue e auala atu i faalapotopotoga faatuatua e taulimaina manaoga eseese i totonu o le atunuu, e aofia ai fale, meaai, suavai, tumama, tausia o le soifua maloloina, ma le tausiga faafomai. I le ma le isi, na tuuina atu e le Ekalesia i falemai i le lotoifale ni masini e manaomia e tausia ai i latou na manunua i le faalavelave.

O se tasi o mafuaaga ua mafai ai e le Ekalesia ma ona tagata ona tuuina atu le taimi ma punaoa i taimi o faalavelave faafuasei ona ua latou muai saunia ma ua mataituina tulaga faalelalogagi. Ua saili le Ekalesia e faatulaga ni sootaga ma malo ma isi faalapotopotoga o toomaga o e tali atu i faalavelave a o faamalolosia ai foi sauniuniga i totonu o le Ekalesia ma nuu. O lenei mea e mafai ai e le Ekalesia ona fesoasoani vave ma sili atu ona mataalia pe a tutupu ni tulaga e lei faamoemoeina.

E saunia foi tagata o le ekalesia mo mala e ala i le mulimuli i mataupu faavae o le faalagolago o le tagata ia te ia lava ma sauniuniga mo faalavelave

faafuasei, e aofia ai le faasaoina o tupe ma le faatauina o meaai e teu. I le 2021, e 13.9 miliona pauna o oloa teu na faatau atu i tagata taitoatasi ma aiga e lagolago ai sauniuniga faaleaiga.


**UA NAUNAU** tagata o le Ekalesia e fesoasoani ia i latou e le tagolima ma ua aafia tele i taumafaiga e tuumamaina mafatiaga, i le lotoifale ma le lalolagi atoa. E aofia ai faifeautalai—o e ua uunaia



© Scott Dalton/American Red Cross

### **GALUEGA FAATINO AUTU MO LE TALI ATU I FAALAVELAVE FAAFUASEI MO LE 2021**

- **Aitiope:** Sa saunia e le Ekalesia meaai, tausiga o le soifua maloloina, sapolai o le tausia o le tumama, ma le lagolago i le suavai i le itulagi o Tigray.
- **Iunaite Setete:** Sa fesoasoani volenitia o le au paia e faamama mea na faaleagaina mai afi ma otaota o asu i Uosigitone ma Oregon.
- **Filipaina:** I le tuanai ai o le Afa o Odette, sa faatasi mai tagata o le Ekalesia e tatala le silia ma le 50 falelotu o le Ekalesia i atumotu tutotonu ma saute o Filipaina. O nei falelotu na faagaioia o ni nofoaga e mapu iai le toetiiti 5,000 o tagata.
- **Toga:** Sa fesoasoani tagata o le Ekalesia ma faifeautalai e faamama ma toefausia ina ua mavae se solo mauga mu na oo mai ai le lefulefu mafiafia lea na ufitia ai se vaega tele o le atunuu.
- **Iunaite Setete:** Sa saunia e le Ekalesia ni sapolai mo faalavelave faafuasei ma se malutaga e tali atu ai i lologa faataumaai i Hawaii.
- **Europa:** Sa auauna atu tagata o le Ekalesia ma faifeautalai o le Ekalesia i le faitau afe o itula e tuuina atu le toomaga i tagata na aafia i lologa. Sa latou faavasegaina oloa na foai atu ma faamama potu, fale, ma se aoga mo tamaiti aoga e i ai manaoga faapitoa. Na saunia e le Ekalesia suavai, meaai, ma le fesoasoani faafomai e tali atu ai i lologa ma mea ua aveesea.
- **Sutena:** Na saunia e le Ekalesia mea autu e manaomia e pei o suavai mama, meaai, ma sapolai faafomai, faapea foi ma le tali atu i le lolo o le toomaga ma tagata sulufai.
- **Iunaite Setete:** Sa faapotopoto e le Just-Serve le faitau selau o volenitia e fesoasoani i tulaga ogaoga ona o le pe o le uila ma paipa aisā i Texas.



e auai i auaunaga faalevaiaso. Ma le isi, o aso uma e ositaulaga ai e tagata o le au paia ni taimi mai o latou olaga pisi e taulimaina ai manaoga faalenuu ma le lalolagi atoa.

O galuega faatino e lagolagoina e le Ekalesia ua mamauina e tuuina atu ai auaunaga i nuu ma le toomaga mo faalavelave ia i latou e le tagolima, e mafai ai e tagata o le ekalesia ma isi ona avea ma se vaega o tali ua faatulagaina mo faalavelave faafuasei. I le ma le isi, ua tuuina mai e JustServe faamatalaga e uiga i le auala e mafai ai e tagata taitoatasi ona aafia i o latou nuu i le lotoifale.

I fafo atu o nei tali faatulagaina, e toe faafoi atu ai e tagata taitoatasi, aiga, ma faapotopotoga [le auaunaga] i le tele o isi auala. O nei mea e aafia

ai le tuufaatasia o pusa o fesoasoaniga alofa ma afifi o meaai, volenitia i faalapopototoga e galulue faatasi ma tagata taitoatasi o e ua faaunuua pe ua sosola ese mai lo latou atunuu, ma isi mea.

E saofaga foi tagata o le Ekalesia ma uo a le Ekalesia e ala i le foai atu i fesoasoaniga alofa a le Ekalesia. O se tasi o alii talavou, mo se faataitaiga, na amataina se tulaga e faatau ai le vaitipolo ma foai atu tupemaua i le polokalama o fesoasoaniga alofa a le Ekalesia. E ui ina eseese le tele o foai, o foai uma lava e manatu e paia.



## Tuiga Toto

- E silia ma le 3,000 nofoaga na fai ai tuiga toto
- E silia ma le 100,000 iunite o le toto na foai mai
- E silia ma le 105,000 tagata taitasi na foai mai o latou toto

**O LE AOINA MAI O LE TOTO** mo i latou e manaomia o se taumafaiga i le lalolagi aoao a le Ekalesia. Mo se faaitaiga, i Peru, sa galulue faatasi se faapotopotoga ma se falemai i le lotoifale e faia se tuiga o le toto i lo latou falelotu o le Ekalesia. E le gata i lea, e silia ma le 1,700 volenitia i Atenitina na foai atu le toto e ala i faatulagaga na lagolagoina e le Ekalesia i le 2021.

Sa saunoa Brian, o se tasi o le Paranesi a Palmira o le Ekalesia i Mendoza, Atenitina e uiga i lona aafiaga: “O le mafai ona tuuina atu o le toto mo se isi tagata, mo i latou o e manaomiaina, ua faatumulia ai au i le lotofaafetai ma ou iloa atili ai le mea na faia e le Faaola mo au.”<sup>25</sup>

I le Iunaite Setete, O Le Ekalesia a Iesu Keriso o le Au Paia o Aso e Gata Ai e ai se sootaga faaumi-umi ma le Koluse Mumu a Amerika e faasino atu i le faaiuga o le seneturi lona 19. E le gata ina faia e tagata o le Ekalesia ni foai masani o le toto ae fesoasoani foi i le faatulagaina ma le faalauiloina o polokalama, ma sue mai tagata taitoatasi e lesitala, ma fesoasoani i manaoga faasolo i le aso o le faamoemoe

*“Tatou te maua iunite e 100,000 o le toto mai le Ekalesia i tausaga taitasi. E leai se faapotopotoga, leai se vaega i soo se mea e latalata atu i ai. . . . Ou te maofa i le tautinoga a lou nuu i le faatuatua ma le auauina atu.*

— GAIL MCGOVERN, Pulesili o le American Red Cross<sup>26</sup>

### FAASAOINA O OLAGA E ALA I LE FOAI ATU O LE TOTO

I le na o le fa masina le matua, sa manaomia ai e Megan se taotoga o le fatu e lipea ai le tulaga o lona fatu. Talu ai na pau atu Megan i le 6.6% o le faitau aofai o le lalolagi i le ituaiga toto e le masani ai o le O-toese, sa tuuina atu e le falemai se mataala i le aai atoa mo tagata foai o le toto e le lelei.

Sa anapopogi ma tatalo le aiga o Megan ma le latou aulotu o le ekalesia mo ni volenitia e foai atu le toto. O le aso lava na sosoo ai, na taliina ai a latou tatalo. “I se aso, e 73 tagata na o mai. O nisi

tagata na malaga moni mai Newcastle, o se malaga e tolu itula le mamao, tau lava ina mafai ona foai atu,” o le tala lea a le tina o Megan.<sup>27</sup>

O Megan o se tasi o le faitau miliona tagata o o latou ola ua faasaoina i foai o le toto i tausaga uma. Faafetai i le agalelei o uo ma tagata ese, ua maua e Megan le avanoa e tuputupu ae ai ma ola i se olaga maloloina, ma le fiafia.



© 2018 Renée Jacobsen

## Gaosiga o Meaai ma le Tufatufaina Atu

- E 80 miliona pauna o meaai na foai atu
- E silia ma le 100 miliona pauna o meaai na gaosia
- Mo pauna uma e 10 o meaai e gaosia, e toa 3 tagata e fafagaina mo se aso

### O LOO GALUEAINA E LE EKALLESIA LE 32

**O FAATOAGA**, lafumanu, togalaau, ma falegaosia mea, lea na gaosia ai le silia ma le 100 miliona pauna o meaai i le 2021. O pauna uma e sefulu na gaosia e mafai ona fafaga ai tagata e toatolu mo se aso e tasi. E 36 miliona pauna o nei meaai sa tufatufaina atu i tagata o le Ekalesia ma isi sa manaomia le fesoasoani e ala i faleteuoloo o epikopo, a o le 44 miliona pauna sa foai atu e ala i polokalama a le lotoifale. O oloa faapoopo e teuina i tausaga taitasi e fai ma sauniuniga mo le faaaogaina i faalavelave faafuasei i le lumanai.

E 124 faleteuoloo a epikopo o loo faagaoioia i le taimi nei. O tagata taitaitasi e manaomia le fesoasoani e mafai ona galue ma o latou taitai i le lotoifale ia maua meaai ma isi aitema e leai se totogi i nei nofoaga. I nofoaga e le o i ai se faleteuoloo a epikopo e lata ane, e faia ni fuafuaga e faataga ai taitai e faasino atu ai tagata taitasi i faleoloo i le lotoifale.

E toetoe lava o faleteuoloo uma ma nofoaga autu e teu ai meaai i le fale e puleaina e faifeautalai auauna atu. O nei volentia e okaina oloa, faavasega fataoloo, faatumu oka, faamama nofoaga, ma fesoasoani i tagata o tausia i se auala agalelei ma agaalofa. E maua foi e nofoaga ni galuega foai mai aulotu i le lotoifale.

A o tulai mai faalavelave faafuasei i le salafa o le lalolagi, o paaga le Ekalesia ma faalapopotoga fesoasoani i le lotoifale e faapogai ma tufatufa atu oloa mo faalavelave faafuasei i auala sili ona lelei ma aoga e mafai ai. O le faatauga i le lotoifale o oloa

- o le faanatinati o le taimi e tiliva ai,
- e faaitiitia ai tau o femalagaaiga, faatagaina ai le tele o nisi tupe e faaalu i oloa,
- e saunia meaai e sili atu ona masani ai i latou e le tagolima,
- e lagolagoina le tamaoiga i le lotoifale, ma
- e aofia ai tagata o nuu i le lotoifale i le tufatufaina atu o sapaalai.

I le aso 21 o Tesema, 2021, sa faamanatuina ai e le Deseret Mill ma Pasta Plant le lona miliona o meaai na gaosia i lena tausaga—o se voluma na toetiiti faaluaina mea na gaosia e le kamupani i le 2019.

---

*“Aua na ou fia ‘ai ona outou avane ai lea ni mea ou te ‘ai ai; na ou fia inu, ona outou avane ai lea ni vai ou te inu ai, sa fai a’u ma tagata ese, ona outou talia lea o a’u. . . .*

---MATAIO 25:35

---

O na pusa e 1 miliona e tutusa ma le 527,661,424 luutaga o meaai. O saito ma isi meaai e gaosia i le nofoaga e aumai i faatoaga a le Ekalesia ma pisinisi e faatau mai ai i le Iunaite Setete. E tuupusa e nofoaga falaoamata, saito, araisa, pi, keke ma panikeke gaosi, makaroni, lipine pasta, ma supokeli.

Pe tusa ma le 60 volenitia i le aso e saina e fesoasoani i sifi pisi e tai fa itula. O meaai mai le fale vili falaoamata sa foai mai e ala i faleteuoloo o epikopo ma tilivaina atu e ala i uta o loli i faleteu meaai ma isi ofisa o galuega alofa.

Ia Fepuari o le 2021, i le tali atu i Afa o Eta ma Iota, na tuuina atu ai e le Ekalesia le silia ma le 170,000 pauna o meaai i tagata na aafia i Honduras—e aofia ai mea na gaosia i le Fale Gaosi Falaoamata a Tesaret ma le Pasta Plant.



### O SE VAEGA FAAPITOA O VOLENITIA

O fale gaosimea e le gata ina tuuina atu oloa e faamanuia ai i latou e le tagolima—ae latou te tuuina atu foi avanoa e galulue faatasi ai o le tasi ma le isi. E auai faatasi faifeautalai ma volenitia o le Ekalesia ma le nuu e faatino galuega eseese e manaomia e gaosia ma teuina ai meaai mo e fiaai. E tuuina atu e nei vaega taitasi a latou auaunaga ma le alofa e aunoa ma le iliina o le pu.

E masani lava, o i latou e volenitia o nisi ia o le toatele o tagata taitasi e manuia mai oloa ua maea ona gaosia. I le aai tutotonu o Sate Leki, mo se faataitaiga, e mafai e epikopo ona valaaulia i latou o e o loo mauaina le fesoasoani e volenitia mo se aofaiga faatulagaina o itula i le Fale Tuuapa o le Uelefea. E faapena foi, e mafai e faamasino o le lotoifale ona valaaulia ni tagata e mama a latou soligatulafono e faataunuu o latou itula o auaunaga i le lotoifale i le nofoaga lava e tasi. E ala i le galuega i fale gaosioloa, e faamanuiaina uma ai i latou e foai atu ma i latou e taliaina a o latou auauna atu o le tasi i le isi ma maua ai le tausiga e manaomia.

### O AIGA NA TAUSIA FAAMAFANAFANA MA FAFAGAINA

E faaopoopo atu i faleteuoloo a epikopo ma fuafuaga i le lotoifale ma faleoloo, e foai atu foi e le Ekalesia ia oloa ma tuuina atu le lagolago i polokalama o meaai i le lotoifale. E ala i nei foai, sa mafai ai e Brittany ona faamafanafana lona aiga ma fafaga e ala i lana Kapoti Meaai Feaveai i le lotoifale.

“O mea e sili teisi atu ai le toafimalie o le olaga o mea ia ua mafai ona tatou faia e faafetai ai i le fesoasoani tatou te maua mai le Kapoti Meaai Feaveai. O le taimi nei e mafai ona tatou faia mea e pei o le tuu atu i tamaiti e aai i le tele latou te mananao ai. O le lava o meaai e faanoanoa ai, ma e popole ai tamaiti i lea mea.”

O lenei lagolago faaopoopo ua fesoasoani foi i le aiga o Brittany e sefe ai tupe mo isi manaoga taua. Ina ua pau le vela i lona fale i le 42 tikeri, sa ia iloa e mafai ona ia gafatia ona ki i luga le vela.

“E mautinoa lava sa manaia le ki i luga!” o le tala lea a Brittany.



## Faafetai Lava

*Matou te faailoa atu lo matou agaga faafetai mai le loto ia i latou uma o e na foai atu ma le limamafola pe ofo fua atu o latou taimi ma taumafaiga i nei faamoemoega agaalofa. E le mafai ona lilo lau auauunaga. E toatele ua tuuina atu a latou mea e maua e ala i le Church Philanthropies, ma e sili atu foi mea ua tuuina atu i luga o le initoneti pe ala mai foi i o latou epikopo. Ona o au saofaga o taimi, punaoa, malosi, ma le agaalofa, ua mafai ai ona matou faia se eseesega i olaga o le faitau afe o tagata i le lalolagi atoa ma aoao mai ia i latou o e na auau-na atu i ai. Faafetai lava!*

*Matou te tuuina atu le valaaulia i tagata uma ina ia auai ma saili ni auala fou e auaua atu ai. O lou agalelei ma taumafaiga e mafai—ma faia—se eseesega.*

---

## O le a se mea e mafai ona e faia e fesoasoani atu ai?

*Ina ia auai ma aoao atili e uiga i a tatou taumafaiga e fesoasoani ia i latou e le tagolima, asiasi mai ia i tatou i luga o le initoneti po o a tatou itulau faaagafesootai.*

ChurchofJesusChrist.org JustServe.org DeseretIndustries.org LatterdaySaintCharities.org AddictionRecovery  
.ChurchofJesusChrist.org



# Mau Faasino

- <sup>1</sup> (Russell M. Nelson, "O Le Poloaiga Sili Lona Lua," *w po o le Liahona*, Nov. 2019, 97).
- <sup>2</sup> Henry B. Eyring, "'E Le o Lenei Ea le Anapogi Ou Te Loto I Ai?" *Ensign po o le Liahona*, Me 2015, 22.
- <sup>3</sup> Gérald Caussé, "Alofa i Lou Tuaoi: Ua Auai le Ekalesia i Taumafaiga Laveai Alofa i le Lalolagi mo le KOVITI-19 Humanitarian Relief Effort," [newsroom.ChurchofJesusChrist.org](https://newsroom.ChurchofJesusChrist.org).
- <sup>4</sup> Jean B. Bingham, "Auauna Atu e pei ona Faia e le Faaola," *Ensign po o le Liahona*, Me 2018, 104.
- <sup>5</sup> Jeffrey R. Holland, "Ia Mafuta ma Faamalolosia i Latou," *Ensign po o le Liahona*, Me 2018, 105.
- <sup>6</sup> Henry B. Eyring, "Auaunaga Musuia," *Ensign po o le Liahona*, Me 2018, 64.
- <sup>7</sup> Lorrie Curriden, i le "The Church's Welcome Centers Help Immigrants Live Better Lives," [newsroom.churchofjesuschrist.org/article/the-church-s-welcome-centers-help-immigrants-live-better-lives](https://newsroom.churchofjesuschrist.org/article/the-church-s-welcome-centers-help-immigrants-live-better-lives).
- <sup>8</sup> Adriana Robledo, i le "Latter-day Saints Around the World: Country Newsroom Websites, May 3, 2021," [news-ca.churchofjesuschrist.org/article/caring-for-the-elderly](https://news-ca.churchofjesuschrist.org/article/caring-for-the-elderly).
- <sup>9</sup> Russell M. Nelson, "Faamoemoe o Isaraelu" [faigalotu a le autalavou i le lalolagi, 3 Iuni, 2018], faaopoopo i le *New Era ma le Ensign*, 3, [ChurchofJesusChrist.org](https://ChurchofJesusChrist.org).
- <sup>10</sup> Russell M. Nelson, "O Poloaiga Sili Lona Lua," *Ensign po o le Liahona*, Nov. 2019, 97.
- <sup>11</sup> M. Russell Ballard, "Becoming Self-Reliant Spiritually and Physically," *Ensign*, Mat. 2009, 50.
- <sup>12</sup> Sharon Eubank, "Ou te Tatalo o le a la Faaagaina i Tatou," *Liahona*, Nov. 2021, 55.
- <sup>13</sup> Russell M. Nelson, "Tal'ai Atu o le Talalelei o le Filemu," *Liahona*, 6 Me, 2022.
- <sup>14</sup> Reyna I. Aburto, saunoaga na tuuina atu i le taliga sua o le aoauli o le International Women-in-Diplomacy Day, 11 Mati, 2020.
- <sup>15</sup> Sariah McQueen, i "Tusiaoga ma Meafale i Aoga ua Faaleagaina i Fiti," [news-nz.churchofjesuschrist.org/article/schoolbooks-and-furniture-to-damaged-schools-in-fiji](https://news-nz.churchofjesuschrist.org/article/schoolbooks-and-furniture-to-damaged-schools-in-fiji).
- <sup>16</sup> Gary E. Stevenson, "Faigofie Iona Matagofie—Matagofie Iona Faigofie," *Liahona*, Nov. 2021, 50.
- <sup>17</sup> Elder Morán, "Alrededor de 1000 misioneros y miembros de la Iglesia de Jesucristo colaboraron como voluntarios en jornada de vacunación en Puebla," [noticias.laiglesiadejesucristo.org/articulo/misioneros-y-miembros-colaboraron-como-voluntarios](https://noticias.laiglesiadejesucristo.org/articulo/misioneros-y-miembros-colaboraron-como-voluntarios).
- <sup>18</sup> Dallin H. Oaks, "O Le Manaomia o se Ekalesia," *Liahona*, 25 Nov. 2021.
- <sup>19</sup> Sean Callahan, i le "In Utah, Catholics, Mormons Have 'Positive, Cordial Relationship,'" <https://www.catholicsonline.org/2019/03/24/in-utah-catholics-mormons-have-positive-cordial-relationship/>
- <sup>20</sup> W. Christopher Waddell, "E Pei lava ona Sa la Faia," *Ensign po o le Liahona*, 20 Me 2019.
- <sup>21</sup> Dallin H. Oaks, "Push Back Against the World," 24 Feb., 2017. <https://speeches.byuh.edu/commencement/push-back-against-the-world>.
- <sup>22</sup> Ronald A. Rasband, "Ia Faamaloloina le Lalolagi," *Liahona*, Me 2022, 92.
- <sup>23</sup> Halima, i le "Restoring Eyes and Lives through the Church's Global Vision Care Initiative," [thechurchnews.com/global/2021-06-17/latter-day-saint-charities-eyes-vision-cataracts-africa-215459](https://thechurchnews.com/global/2021-06-17/latter-day-saint-charities-eyes-vision-cataracts-africa-215459).
- <sup>24</sup> Yasmin Ali Haque, i le "2 Pilonia CoVID-19 Tui Puipui o loo Faasolo Atu i Tagata o Moomia," [newsroom.churchofjesuschrist.org/article/2-billion-covid-19-vaccinations-roll-out-at-risk-populations](https://newsroom.churchofjesuschrist.org/article/2-billion-covid-19-vaccinations-roll-out-at-risk-populations).
- <sup>25</sup> Brian Ezequiel Oliva Fuentes, i le "Cerca de 3500 voluntarios Santos de los Itimos Días donaron sangre durante la Pandemia Covid-19 en Atenitina," [noticias.laiglesiadejesucristo.org/articulo/cerca-de-3500-voluntarios-santos-de-los-ultimos-dias-donaron-sangre-durante-la-pandemia-covid-19-en-atenitina](https://noticias.laiglesiadejesucristo.org/articulo/cerca-de-3500-voluntarios-santos-de-los-ultimos-dias-donaron-sangre-durante-la-pandemia-covid-19-en-atenitina).
- <sup>26</sup> Gail McGovern, i le "The Church of Jesus Christ Does This More Than Any Other Organization," [deseret.com/2021/9/30/22690263/churchbeat-newsletter-mormon-lds-church-of-jesus-red-blood-blood-donations](https://deseret.com/2021/9/30/22690263/churchbeat-newsletter-mormon-lds-church-of-jesus-red-blood-blood-donations).
- <sup>27</sup> Rebecca Waring, i le "Blood Donations Save Tiny Lives," [news-uk.churchofjesuschrist.org/article/blood-donations-save-tiny-lives](https://news-uk.churchofjesuschrist.org/article/blood-donations-save-tiny-lives).
- <sup>28</sup> L. L. Todd Budge, "Tuuina Atu o le Paia i le Alii," *Liahona*, Nov. 2021, 100.

---

*E pei lava ona taua le foai o oloa e faapena foi le maoae o taimi ma le malosia o loo foai mai e tagata o le Ekalesia mo faamoemoega e fesoasoani ai i tagata.*

EPIKOPO L. TODD BUDGE, FESOASOANI LUA I LE AU EPIKOPO PULEFAAMALUMALU<sup>28</sup>

*O i latou o loo naunau ina ia ta’ua o le nuu o le Alii ua “loto  
e tauave le avega a le tasi [ma le isi], . . . e faanoanoa faatasi  
ma e e faanoanoa; . . . ma [ia] faamafanafana atu ia te  
i latou o e e manaomia le faamafanafanaga.”*

—PERESITENE RUSSELL M. NELSON

Peresitene o Le Ekalesia a Iesu Keriso o le Au Paia o Aso e Gata Ai

